

Yo MOGOLWANE

GO SALOMO O FA

 Ke a le leboga, kudu. Mantšiboa a mabotse, bagwera. Ke thabetše go ba fa bošegong bjo, go no ipshina ka go šišinya seatla go gonyane le kopanelo le mogwera wa ka wa kgale, Ngwanešu G. H. Brown. Ga se ka mmona mengwageng. Ke yo mongwe wa badirišani ba ka—ba ka ba mathomo, ba Arkansas, ge re be re le ka 505 Victor Street kua.

² Ke a elelwa, Ngwanešu Brown, bošegong bjo mohumagadi tlase ka lebatong la ka tlase, mokokotlong wa gagwe, a abula ka mokokotlo wa gagwe, le wa gagwe... A lahlegetšwe ke monagano wa gagwe, gomme yena seemong se sebe kudu. Moragwana, ke mo hweditše godimo tikologong ya Jonesboro felotsoko, ka monaganong wa gagwe wa maleba, le monnamogatša wa gagwe, gomme feela sekeng ka mo a bego a kgona go ba.

³ Ngwanešu o sa tšwa go kopana le nna mo, ke nno šišinya seatla sa gagwe. O be a bolela ka go ba lefelong le le itšego, mosadimogatša wa gagwe o be a na le lehwa, ke a dumela, mogolong wa gagwe. O fodišitšwe ka kopanong. O sa fodile.

⁴ Modimo o a makatša, a Yena ga a? Re leboga seo kudu. Re swanetše go ba, bao re lego, batho ba ba thabilego kudukudu lefaseng, batho ba Modimo, go se tshwenyege, ka tsela ye re sa boifego lehu. Le a tseba, Kriste o fentše se sengwe le se sengwe, ebole le lehu, ebole le poifo ya lehu. Ya. “O lehu, lebola la gago le kae? Lebitla, phenyo ya gago e kae? Eupša a go lebogwe Modimo Yo a re fago phenyo ka Morena wa rena Jesu Kriste.” Re Mo rata bjang bakeng sa seo!

⁵ Kgaetšedi yo monnyane yo go tšwa Florida, ke a dumela, o rile, goba felotsoko mo, yo a opetšego pina yela: *Tlase Go Tšwa Letagong La Gagwe*. Yeo ke pina ya ka ya mmamoratwa, e ngwadilwe ke mogwera wa rena, Ngwanešu Booth Clibborn. Ke nagana ka kgonthę e hlagiša Bomodimo bja Gagwe bja godimo lehono, mo letšatšing leo batho ba lekago go Mo dira moprofeta feela goba—goba moetapele tsoko. Gomme ke nagana yeo e hlagiša se A lego, gomme ka kgonthę ke rata pina yela.

⁶ Bjale, le a tseba, gomme kafao karolo ye mpe ka dilo tše, dikopano tše ga di botelele go lekanela. Re no tla go kopana seng sa rena, le go re “halo,” gomme morago ra swanelia go tloga gape. Eupša ka nnete ke lebeletše pele go tla fase.

⁷ Ke tla le botša se sengwe se sennyane. Ga se ka bolela seo bakeng sa ntlhana bošegong bjo bongwe, ka nna go beng le

pakete yela ya kgotlaomone ya mabele yeo bera yela ye nnyane e tsenego ka go yona. Eupša yo mongwe bošegong bjo o ntefile morago, ba nthometše kgotlaomone ya mabele. Ke a go leboga, gomme ke tla bona gore bera ga e hwetše yeo. Ke tla ba le mosadimogatša wa ka a mpakele pane ya dipisikiti, gomme ke tla tsena thwi ka go tšona. Ee, mohlomphegi, ka kgonthe ke rata mabele.

⁸ Billy, morwa wa ka, o nno mpotša, a re, “Papa, ba go tšeetše moneelo wa lerato.”

⁹ Ke boditše moreri yo gore ke be ke sa nyake woo. Le a bona, ga se ke tlele woo, batho. Ke tla go le thuša, go leka go. Eupša ga go tsela ya ka go o bušetša morago. Gomme ge e ka ba mang a tseba e ka ba mang fa ka kgonthe a hloka gampe, yo mongwe, mosadi wa mohlologadi goba se sengwe, ba ne yona. Kafao ke le leboga kudu. Le a tseba, Beibebe e rile, “Bontši bjo le bo dirilego go yo monyennyane,” yoo ke nna, “go ba bannyane ba, le e diretše Nna.” Gomme ke a rapela gore Modimo o tla le šegofatša bakeng sa seo, le gore O tla—O tla dira. Ke tla le botša, ge go se motho yo hlokago gampe, go e tšea, ke tla e bea go mošomo wa boromiwa bakeng sa mašemo a šele. Ke ya godimo, ka bona, ka fao ke a tseba e šomišwa gabotse.

¹⁰ Gomme kafao gona go leka go tliša Molaetša wo wa go makatša wa—wa mogau wa Modimo wo o tlišitšwego go rena ka matšatšing a a mafelelo, Molaetša, bokaonekaone bjo ke tsebago mokgwa wa go O tliša, gomme ke Molaetša wa go swana ke o rerilego mengwaga ye mentši ya go feta. Ga se ke fapanie go tšwa go ona intšhi e tee, gobane o ka se kgone. Ge nka dira, ke tla swanela go tšwela ka ntle ga Beibebe. Le a bona? Kafao o tšwa Beibeleng. Gomme ke dumela gore, “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena.” Gomme Bahebere 13:8 e re, “O a swana maabane, lehono, le go ya go ile.” Ke dumela seo.

¹¹ Bjale, ke be ke bolela le lena lehono, ka sekgalela, ka Molaetša wa Ebangedi. Ke be ke thabile go bona Ngwanešu Tracy Boutliere mo, le ngwanešu yola godimo mo. Gomme, nna, gomme le tseba ka fao ke ikwelago go ema godimo fa? Ke—ke mohuta wa go pitlela kgole go tloga go theroyela bošegong bjo, ka lebaka la badiredi bohole ba bakaone ba ba lego fa. Kafao ke no ya go bolela gannyane ka Morena Jesu, go ya Gagwe, kutollo ye kgolo ya Gagwe lehono, le ka maatla a Gagwe go fodiša balwetši.

¹² Gomme morwa wa ka o tlide godimo, lebakana la go feta, gomme o fa dikarata tsoko tša thapelo, gomme re nyaka go rapelela balwetši bošegong bjo. Gomme le na le monna mo yo a ka kgonago go rera Ebangedi; ba na le, beke ye yohle. Gomme ke mo go leka go dira karolo ya ka, go laetsa ditebogo tša ka tša potego ya lena go Jesu Kriste, ka go rapelela balwetši.

¹³ Gomme bjale pele re bulu Puku, a re boleleng le Mongwadi wa Puku.

¹⁴ Nako ye nngwe ya go feta, go bile le monna o rile go nna. Ke be ke bolela ka thuto ye e itšego ka Beibeleng, gomme e be e le thuto ya go teba kudu yeo go nago le ngangišano ye ntši ka yona, le ka Logos, le go ya pele. Gomme o—o lebeletše godimo go nna. Gomme ke be ke na le Ngwanešu Jack Moore, gomme re be re etla go theoga Letsha la Sefapano, ka Shreveport, Louisiana. Gomme monna yo o lebeletše godimo go nna, gomme o rile, “O no se tsebe Beibele ya gago.”

¹⁵ Ke rile, “Eupša ke tseba Mongwadi gabotse ka kgonthé. Gomme ke na le nnete, ge ke Mo rata le go Mo tseba gabotse ka kgonthé, O tla utolla Lentšu la Gagwe go nna.”

¹⁶ Kafao a re boleleng le Mongwadi bjale, ge re inamiša dihlogo tša rena. Bjale ge re sa homola. Gomme, elelwang, ka dipelong tša rena bjale, a go na le kgopelo bošegong bjo magareng ga rena, yeo o tla nyaka Modimo go elelwa, gore o rapelela selo se se itšego se, mohlomongwe moratwa go tla go Kriste, bošegong bjo, mohlomongwe yo mongwe go fodišwa, goba kgopelo ye nngwe? E sware ka monaganong wa gago, gomme phagamišetša diatla tša gago godimo go Modimo, e re, “Morena, elelwa kgopelo ya ka.” Ke bohole, moghole. A lefase la go hloka le le lego lona!

¹⁷ Morena Jesu, re tla re Go batamela ka Leina lela la go lekanelo moka, go tsebeng se, gore re tshepišitšwe gore dithapelo tša rena di tla kwewa. O rile, “Se le se kgopelago Leineng la Ka, se tla fiwa.” Gomme re tliša dikgopelo tšohle tše, bošegong bjo, godimo pele ga Terone ye kgolo ye tšhweu ya dipheta moo Sehlabelo sa Madi se letšego, Yo a lebalelagoo dibe tša rena tšohle, le go fodiša malwetsi a rena ohle. Gomme re Go thabetše kudukudu, bošegong bjo, bakeng sa monyetla wo mobotse wo re nago le wona, le Lentšu la Modimo, le le sa kgonego go šitwa. Le ge Magodimo le lefase di feta, Lentšu le ka se tsoge la palelwa. Gomme Lentšu ke Modimo. Gomme O tshepišitše gore O tla kwa gomme o tla arabalikgopelo tša rena. Bjale re ne kgonthé gore re hwetša se re se kgopelago. Gomme seatla sa ka se godimo, le sona, Morena. Araba, bošegong bjo, dikgopelo tša rena.

¹⁸ Re nyaka go Go leboga bakeng sa se O bilego go rena, ka go khonferense ye, morago tlase go kgabola bophelo. Gomme gape re a Go leboga bakeng sa se O lego go rena, go ba ka moso. Gomme mo iring ya lehu la rena, ge O diega, re a tseba O tla ba se—se sekepe sa kgale sa Tsione, O tla ba Diphego tša phadimothelolo. O tla ba Naledi ya Moso ye e bonegago moedi wa moriti wa lehu, O tla ba Yena yoo a tla go re rwalela mošola wa noka, ka go Naga yela ye kgolo ya tshepišo. Re kgotsoftše ka seo, Morena.

¹⁹ Bošegong bjo, o dutše magareng ga rena ke monna, yo mopududu le go kobama ka mengwaga, gomme mengwaga ye

mentši ya go feta ge ke be ke le mošemane wa modiradibe, o be a eme khoneng ya mekgotha le go lwa ntwa ye botse ya tumelo, bakeng sa wona Molaetša wo re lekago go o hlabanelo bošegong bjo. Tate Modimo, re a leboga monna ba ba sa phela, bjalo ka mabopaki a tumelo ye kgolo ye yeo e kilego ya fiwa bakgethwa. A nke re dule re e hlabanelo le go botega go lefelo la ren a mošomo, go fihla Jesu a etla.

²⁰ Bjale re kgopela Wena go šegofatša Mantšu ao re a balago, le se re se bolelago bošegong bjo. A nke Le wele ka go mobu wa go nona wo o tla tlišago pele tirelo, gore go se be le modiradibe yo motee ka moagong wo, yo a tla tlogago mo, yo a ka se phološwego. A nke motho yo mongwe le yo mongwe a babjago a fodišwe. A nke go se be le motho yo motee wa go fokola magareng ga ren a mafelelong a tirelo. Ke a tseba yeo ke thaba ye kgolo ye e emago pele ga ren a. Eupša O boletše ka go Ebangedi ya Gago, go ya ka Mokgethwa Mareka 11:22, “Ge o re go thaba ye, ‘Suthišwa,’ gomme o sa kamake ka pelong ya gago, eupša wa dumela gore se o se boletšego se tla tla go phethega, o tla ba le se o se boletšego.” Bjale re dumela seo.

²¹ O rile, “Ge o ema o rapela, dumela, lebalela.” Gomme re a rapela gore O tla re lebalela dikarogo tša ren a, bjalo ka ge re lebalela bao ba nago le dikarogo kgahlanong le ren a, gore go se be le selo go šitiša dithapelo tša ren a go arabja.

²² Gomme, Morena, a nke, ge go direga bjalo gore re se tsoge ra kopana gape ka mokgwa wo ka kopanong ye nngwe, mohlomongwe ngwaga go tloga bjale goba e ka ba neng go tla bago, re a tseba go tla kopano e tee ye kgolo bohole re yago go ba fao, gomme yeo ke Selalelo sa Monyanya. O Modimo, a nke fao go se be yo motee wa ren a timelago ka nako yeo. Go fihla nako yeo, re boloke re phelegile le go thaba, go direla Wena. Leineng la Jesu Kriste re a e kgopela. Amene.

²³ Bjale, go rapelela balwetši, ga—ga ke tšhabele go rera. Bjalo ka ge ke boletše, ke—ke tlotšo ya go fapan a; Moya wa go swana, feela tšhanele ya go fapan a o sepelago go e kgabola.

²⁴ Gomme bjale ke nyaka go bala temana ya go tlwaelega ya Lengwalo, le Mangwalo a se makae fa ke tla ratago go bolela ka ona, feela pele re bitša mothalo wa thapelo. Gomme ke a tseba go a fiša, gomme ga ke nyake go le swarelela botelele.

²⁵ Gomme ke tseba go tswaleleng ga kopano, beke ye kgolo, le ka fao bohole le tletšego go fihla go maemo bjale, le go ya gae go ba le nako ye kgolo. Ga ke nyake go ya gae go no ba le nako ye kgolo go ipshina ka ditšhegofatšo tša Modimo, eupša eya gae go tšea se o ithutilego le go se fetišetša go yo mongwe gape. Gomme a nke bana ba kopano ye, ba ba tswetšwego gape, ka kopanong ye, ngwaga wo o latelago ba tliša ditlogolo-khukhu-khukhu le bona; go rago gore o thopetše yo mongwe

gape, gomme ba thopetše yo mongwe gape, gomme ba thopetše yo mongwe gape godimo go Morena.

²⁶ Bjale a re phetleng bošegong bjo go Mokgethwa Mareka, tema ya 12. Gomme ke nyaka go thoma go bala go tloga go ya 38 temana ya Mokgethwa . . . ya Mokgethwa Mareka 12, go bala go theoga le ya 42 temana, go akaretša. Gomme, ka mehla, bjalo ka ge e le setlwaedi dinako tše ntši, re a ema ge re bala Lentšu la Modimo, eupša go beng gore le pitlagane kudu ka gare bošegong bjo, re tla tlogela seo, le go no dula ka tlhomphokgolo le go theetša Lentšu. Ge o na le Beibele, ntatele ge ke bala.

Ka gona ba bangwe ba bamangwalo le ba Bafarisei ba fetotše, ba re, Mong, re nyaka go bona leswao go tšwa go wena.

Eupša o fetotše gomme o rile go bona, Moloko wo mobe le wa bootswa o nyaka leswao; gomme fao go ka se be leswao . . . le filwego wona, eupša leswao la moprofeta Jona:

Gobane bjalo ka ge Jona a bile matšatši a mararo le mašego a mararo mpeng ya hlapikgolo; go bjalo Morwa wa motho o tla ba matšatši a mararo le mašego a mararo pelong ya lefase.

Batho ba Ninife ba tla tsoga ka ka kahlolong le moloko wo, gomme ba tla o ahlola: gobane ba sokologile ka theroy Jona; gomme bonang, yo mogolwane go Jona o fa.

Kgošigadi ya borwa e tla tsoga ka kahlolong le moloko wo, gomme o tla o ahlola: ka gore o tlide go tšwa dikarolong tša kgolekgole tša lefase go kwa bohlale bja Salomo; gomme, bonang, yo mogolwane go Salomo o fa.

²⁷ Nka no šomiša se bakeng sa sehlogo: *Yo Mogolwane Go Salomo O Fa*. Ge re bala bokamorago bja Lengwalo, go dira se pele, re hwetša gore e mohuta wa makopano ka gare le se re bego re se bolela mantšiboa a go feta.

²⁸ Ge Kriste a tlide lefaseng, O tlide go ba Gagwe Mong, gomme ba Gagwe Mong ga se ba Mo amogela. Gomme Bajuda bale ba be ba laelwa ke Mangwalo, ke mohuta ofe wa semelo woo Mesia a tla bago. Gomme Mesia o be a swanetše go ba moprofeta, go ya ka melao ya bona. Moshe o rile, “Morena Modimo wa lena o tla tsoša Moprofeta, boka nna, gomme batho ba tla gomarela go Yena; gomme ge ba sa Mo kwe, ba tla kgaolwa go tloga go batho.”

²⁹ Le a bona, Lengwalo ga le ke le tlogela lebaka e ka ba lefe ntle le boitsebišo bja go segwa gabotse, gore re ke re tsebe ke iri efe re phelago ka go yona.

³⁰ Ebile le ka go Mokgethwa Mateo 24, Jesu a bolela ka nako ya bofelo, O rile, “Bjale ithuteng seswantšho sa mohlare wa mogo.”

³¹ Gomme O rile leswao la dipotšišo tše tharo e tla ba eng. “Ke nako efe ye go ka se bego letlapa le tee le tlogetšwego godimo

ga le lengwe, la moago? Leswao la go Tla ga Gago ke eng, le bofelo bja lefase?" Gomme O arabile dipotšišo tše tharo tšohle. Makga a mantši, batho ba bea tšohle tše tharo bjalo ka potšišo e tee, eupša ba Mmotšišitše dipotšišo tše tharo. O arabile tšona dipotšišo tše tharo. Eupša O file, mmogo kua, leswao, gobane, Bajuda ba nyaka leswao. Gomme gobaneng ba nyaka maswao? Ke ka gobane ba be ba laleditšwe go dira bjalo. Mojuda ka mehla o be a dumela ka go tša kagodimogatlhago.

³² Ebile le ka tlase ga molao, gore ge go be go le molori, goba moprofeta, yoo a fago molaetša woo o bego o sa kwešišego gannyane nthatana, goba ba be ba se ne kgonthé kudu ka ona, ba bile le tsela ya go hwetša ge eba molaetša wola o be o nepile goba aowa. Ba tšere molori yo, goba moprofeta, go theogela tempeleng moo u—u Urim Thummim, e be e le sephemafega se se bego se lekeletše, goba se be se le godimo ga sefega sa Arone, se se bego se emela meloko yohle ya Israele. Gomme moprofeta yo o profetile, goba mo—mo molori o boletše toro ya gagwe.

³³ Gomme ga go kgathale e bonagetše kgonthé gakaakang, ge toro yela goba seprofeto sela se be se sa bonagatše seetsa sa kagodimogatlhago, mohuta wa go hlakana boka molalatladi go kgabaganya yeo, yeo e bego e bitšwa Urim Thummim, molaetsa o be o ganwa. Tlhago e swanetše go araba ka tša kagodimo gathhago, gomme tša kagodimogatlhago di swanetše go araba ka tša tlhago. Kagona, ka go Testamente ya Kgale, Urim Thummim e be e le teko, ge eba mantšu a be a rereša goba aowa. Yeo e be e le ka tlase ga boprista bja Balefi.

³⁴ Eupša Modimo ga se a tsoge a re tlogela ntle le Urim Thummim, gobane Lentšu la Gagwe bošegong bjo ke Urim Thummim. Ga go kgathale molaetša o kwagala gabotse bjang, goba toro e kwagala gabotse bjang, efela, ge e sa benye go kgabaganya Urim Thummim, Lentšu la Modimo, ka keletšong ya ka, e tlogele e nnoši, gobane Modimo ga a pake. Gobane, Puku ye ke kutollo ye e feletšego ya Jesu Kriste.

³⁵ Bjale, Jesu o tlide gomme o dirile feela tlwa boka Mangwalo a rile O tla dira.

³⁶ Gomme ge moapostola Petro, bjalo ka ge re boletše mantšiboeng a go feta, a rutilwe ke tatagwe, ke barutiši, gore go tla ba go tsoga ga Mesia, le gore Mesia yo o tla ba Moprefeta. Bjale lebaka la mengwaga ye makgolonne, ge e sa le Maleaki, ba be ba se ne baprofeta. Gomme fa go be go le Monna yoo ge A sepeletše godimo, a se a apara phapano ye e itšego, e sego boka moprista yo a itšego wa go tsebega gabotse goba monna wa moruti, eupša feela monna wa mehleng. Gomme o be a ka se tsebe Mesia yo ka mokgwa wo A bego a apere, eupša ba be ba tla Mo tseba ka bo—bo Bophelo bjo bo bego bo le ka go Yena. Gomme ge Jesu a mo lebeletše gomme o rile, "Leina la gago o Simone gomme o morwa wa Jona," gona moapostola o be a loketše go

ineela, ka baka gore o tsebile gore Jesu o be a sa mo tsebe. Ga se A mo tseba feela, eupša O tsebile tatagwe le yena, kafao o tsebile leo e be e le leswao la Mesia.

³⁷ Re latetše gape le Filipi, go hwetša Nathaniele. O mo tlišitše godimo, yo e bego e le mo—mo monna wa mmakgomathe, yo mogolo a ithutilego Lengwalo. Re hwetša gore mohlomongwe Filipi o mo rutile, tseleng godimo, ka se se diregilego. Eupša ge a etla go Yena, O mmiditše, o rile, “Bonang Moisraele, ka go yena ga go bomenetša.”

O rile, “O ntsebile neng, Rabi?”

³⁸ O rile, “Pele Filipi a go bitša, ge o be o le ka tlase ga mohlare, Ke go bone.”

Gomme o rile, “Rabi, Wena o Morwa wa Modimo, Kgoši ya Israele.”

³⁹ Gomme morago go setšhaba sa Samaria, fao mosadi yo monnyane yo ka Sikara. Ka fao gore yena ka seemong sa gagwe bjalo ka mosadi wa tumo ye mpe; eupša ge Seetša sela sa Ebangedi se phatlalala go kgabaganya tsela ya gagwe, gomme O mmoditše ka sebe sa gagwe le se a se dirilego, o rile, “Mohlomphegi, Wena o, swanetše go ba o le moprofeta. Gomme re rutilwe, gomme re a tseba gore ge Mesia a etla, O tla re botša dilo.” Leo e be e le leswao la Mesia.

⁴⁰ Gona re ithutile gore ga se A dira leswao lela pele ga Bantle, eupša o profetile gore le tla dirwa fa mo matšatšing a mafelelo, ka Moya wo Mokgethwa. Gomme, go O rogaka, go tla ba go se lebalelwé.

⁴¹ Bjalo ka ge A boletše go tla ba bjalo ka ge go bile ka matšatšing a Sodoma, ge re hwetša gore kemedi ya Modimo ka go monna, motho, yo a jago nama ya kgomo, goba namane, a ke re, le go nwa maswi go tšwa kgomong, le go ja borotho, gomme o Mmiditše, “Elohim,” Modimo yo mogolo, Mohlodi.

⁴² Modimo o dirilwe nama ka sebopego sa Jesu Kriste.

⁴³ Gomme lehono O ka kerekeng ya Gagwe, ka sebopego sa Moya wo Mokgethwa, e sa le Modimo. Gomme monna yola ka nameng, a emetšwe mo nakong ya bofelo pele lefase la Bantle le tshungwa ka mollo, gore Modimo o tla ba ka go nama ya motho, a dira selo sa go swana, go itlhatsatša Yenamong go Bantle. Gomme re Mmone a etla magareng ga rená, bošegong bja go feta, le go dira selo seo.

⁴⁴ Kafao bjale Jesu o be a kgala batho ba, bošegong bjo, ka baka la gosedumele ga bona, ka gobane ba be ba swanetše go be ba rutilwe ka Mangwalo. Eupša metlwae ya letsatši e gogile batho go tloga Beibeleng, Lengwalong. Jesu o rile, “Lena ka metlwae ya lena le dirile Melao ya Modimo go hloka maatla.”

⁴⁵ Gomme ke a makala bošegong bjo, ge A ka ema godimo ga mobu wo wa United States, ge A ka se bolele selo sa go swana go

ba bantši bošegong bjo. Ka metlwae ya motho, le tšere Melao ya Modimo gomme le e dirile go hloka maatla, ka go rera gore, “feela matšatši a mehlolo a fetile,” le go ya pele, bjalo ka ge ba dira. “Ba na le sebopego sa bomodimo,” seo mopropfeta a boletšego gore ba tla ba ka matšatšing a mafelelo, “eupša ba gana Maatla a bjona.”

⁴⁶ Re hwetša, ka go se, gore O be a ba kgala, gobane ba be ba gapeletšwa go lebelela maswao le go dumela maswao. Noage o ba fa leswao. Modimo ka mehla ka go lebaka le lengwe le le lengwe o mekamekana le motho ka maswao, gobane Yena ke wa kagodimogatlhago. Gomme moo Modimo wa kagodimogatlhago a lego, go tlamegile go ba dilo tša kagodimogatlhago di kgatlapana.

⁴⁷ Ka gona re a hwetša, ka matšatšing a Noage, bao ba dumetšego molaetša wa gagwe gomme ba tlide ka gare, ba pholositišwe, gomme bao ba gannego molaetša wa gagwe ba senyegile. O ba fa leswao la go aga areka.

⁴⁸ Ka matšatšing a Moshe, Modimo a bolela ka dipounama tša motho o kgonne go bitša dintšhi, matsetse, digwegwe, a tswalela magodimo, a le dira gore e be leswiswi, ka mopropfeta yo a hlatsetšwego ka go tsenelela. Bao ba dumetšego le go tšwela ka ntle ga Egepeta, go kgabaganya mothalo wa go aroganya wa Lewatle le Lehubedu, ba pholositišwe. Bao ba bego ba le ka lehlakoreng le lengwe, ba senyegile.

⁴⁹ Gomme Jesu o be a ba botša. Ba Mmiditše, “Beletsebubu,” ba tteleima gore O be a bala monagano wa batho. Goba ba bangwe lehono, ba ka be ba rile, “Ke go bala monagano.” Eupša motho e ka ba mang yo bohlale yo a tsebago lebaka e ka ba lefe la go bala monagano, o a tseba gore dilo tše re di bonago di ka se kgone go ba go bala monagano.

⁵⁰ Letšatši le lengwe, ka Tucson, go be go le ngwanešu yo monnyane wa Baptist, gomme o be a ile ntle, a tliša Rebekah wa ka yo monnyane gae go tšwa sekolong, a swere dipuku tša gagwe. Gomme o ile kopanong. O bitša tatagwe, moromiwa tlase ka Mexico, monna yo mokaone, mošomimmogo wa Billy Graham; gomme o rile, “Papa, potlakela gae thwi ka pela, re bone maatla a Morena Jesu a dirilwe go bonagatšwa.”

⁵¹ O rile, “Morwa, bothata ke eng ka wena?” O mmeditše bokgole bjo botelele. Gomme o boletše se se diregilego. O rile, “Seo se ka kgona go bonwa ka go ponagalo ye e itšego ya go tšipa.”

⁵² Gomme lesogana la dula fale motsotso. O rile, “Papa, ke a go rata. O bile papa wa ka, gomme o lekile go nkodiša gabotse. Eupša ke a makala ge eba re ka thumaša switšhe go ya morago go nako gore Jesu wa Natsaretha o dirile selo se se swanago lešing la Galelia, ge o be o ka rata go e bitša keteko ya ngwaga ka ngwaga ya go tšipa?” Monna o tlogetše lefelo la gagwe la mošomo, gomme a tla gomme a kgodišega.

⁵³ Le a bona, Jesu o be a leka go ba botša, “Ge Ke sa dire mediro ya Tate wa Ka, gona le se Ntumele. Ke mang wa lena a kago go Nkahlola ka sebe, e lego go gosedumele? Ge Ke se ka phethagatša mantšu ohle ao a ngwadilwego ka Nna, gona le ka kgona go šupa monwana wa lena go Nna; eupša Ke dirile feela tlwa se Lengwalo le rilego Ke tla se dira.”

⁵⁴ Oo, ge kereke e ka kgona feela go tšea boemo bjoo, bosegong bjo, bjalo ka moemedi wa Jesu Kriste, le go re, “Re hlaelelwaka? Modimo, ke nyaka go phela go bona letšatši leo kereke ya Jesu Kriste e ka bago batee ka morero le pelo le mmele, e eme ka go maatla a go tlala a Moya wo Mokgethwa, go dira le go šoma boka Jesu Kriste a dirile, le Modimo ka go bona, le bona.”

⁵⁵ Bjale O thoma go ya morago le go ba kgalema. Ba tsebile gore Modimo, ka go meloko yohle, o romela dimpho. Gomme ge Modimo a romela mpho lefaseng, gomme e gannwe, setšhaba seo goba moloko woo o ya ka kahlolong. Gomme ge Modimo a romela mpho gomme ya amogelwa, moloko woo o šegofaditšwe.

⁵⁶ Ke be ke nagana bosegong bjo, ge ke be ke etla godimo, ke nagana ka se, gore, “Go tla ba eng ge Amerika yohle, bosegong bjo, e dumetše mpho ya Modimo yeo re e amogetšego?”

⁵⁷ Jesu mo o šupa go nako ya—ya Jona, goba Jona ka nnete ke se ka nnete e lego sona. Gomme batho ba bantši ba sola Jona, gomme ba bolela gore Jona o be a...Le re, “O be a le Jona. O dirile *se, sela*,” ka baka la gore Jona, re a nagana, o tšwetše ka ntle ga thato ya Morena.

⁵⁸ Eupša a nke ke leke go lokafatša seo, bosegong bjo. Beibele e rile, “Dikgato tša moloki di beakanywa ke Morena.” Dinako tše dingwe, O re dira go dira dilo kgahlanong kudu le se re se naganago; eupša ka mehla re, ge re latela tlhahlo ya Moya, ka mehla re ka go thato ya Gagwe. Modimo o dira se A nyakago go se dira. O tsošitše Farao ka morero wa go swana; gomme a bitša, o rile O ratile Jakobo gomme O hloile Esau, pele ba ka tsoge ba tswalwa. Bjale morero wa Modimo o swanetše go phethagatšwa. A mmopi...goba letsopa le ka kgona go re go mmopi, bjalo ka ge re hwetša ka go Baroma 8 le 9.

⁵⁹ Šetšang, re hwetša fa gore Jona o laetšwe ke Modimo go theogela Ninife, go rera, le go bolela gore mo matšatšing a masomenne toropokgolo yela e tla senyega, gobane Ninife e be e le toropokgolo ye kgolo e tletše sebe, naga ya bohetene. Ba be ba rapela medimo ya maitirelo. Ba be ba le, mošomo wa bona gagolo e be e le go thea dihlapi, ka gore ba be ba le kgauswi le leši la lewatle. Gomme mošomo wa bona—wa bona e be e le go...mešomo, e be e le go thea dihlapi. Gomme Jona, sebakeng sa go tšea sekepe...Gomme mohlomongwe sekepe se be se sa ye ntle feela ka nako yeo. Eupša o tšere sekepe go ya Tarasisi. Gomme re a hwetša le go kwešiša bothata bjo Jona a tsenego ka go bjona, ntle kua lewatleng. Ke a dumela gore tšohle tšela

di be di beilwe ke Modimo. Lewatle le ile la ferekana, gomme Jona o rile, "Tlemang diatla tša ka gomme le ntahlele ka ntle." Gomme Modimo o bile le hlapi e lokišitšwe, bjalo ka ge re bitša "hlapikgolo," le go metša moprefota.

⁶⁰ Mengwaga e se mekae ya go feta, ke be ke le ka Louisville, Kentucky, ba—ba bile le hlapikgolo godimo... marapo a e tee, godimo ga—godimo ga koloi ya mpapatla. Gomme Ricky yo monnyane yo a eme fale, ka digalase tša gagwe godimo ga nko ya gagwe, gomme a bonala a na le thuto ye ntši go feta ka fao a bego a na le bohlale go bo laola, o be a leka go hlatholla ka hlapikgolo ye. O rile, "Le a tseba, nonwane ya kgale ya Beibele, gore hlapikgolo e meditše Jona." O rile, "Yeo e no ba nonwane." O rile, "Ka gobane, le a bona, o ka se kgone go lahlela kgwele ka go mometšo wa gagwe, e be e le ye nnyane kudu, gomme o be a ka se kgone go metša monna."

⁶¹ Seo e be e no ba bontši kudu go nna go ema. Ke—ke rile go yena, ke rile, "Mohlomphegi, ke—ke nyaka go phošolla seo."

O rile, "Ke eng seo?"

⁶² Gomme ke rile, "O a bona, a ka no . . . Hlapikgolo yela e ka no ba e be e ka se kgone go mo metša, eupša Beibele e boletše, gore, 'Modimo o lokišitše hlapi.' E be e agilwe ka go ikgetha. Modimo o mo dirile yo mogolo go lekanelo go mo metša." Le a bona? Ke—ke nno ikwela ke be ke le moeki go Beibele ge nkabe ke se ka fa bopaki bja ka, go laetša mebala, gobane batho ba ema fale ba sega. Ke a le botša, e be e selo sa go fapano ge seo se boletšwe, le a bona, e be e se sa go segiša kudu, ge ke rile, "Ga o tsebe Mangwalo. Lengwalo le rile, 'Modimo o lokišitše hlapi.' O dirile ye ya go itlhaola."

⁶³ Boka mosetsana yo monnyane nako ye nngwe, a eya go tloga kerekeng, o rile o be a thabile. Moriri wa gagwe wo monnyane o kametšwe morago, gomme o be a ne nako ye kgolo, a opela ditumišo tša Modimo. Mohlokamodimo khoneng o rile, "O thabile ka eng, mohumagadi yo monnyane?"

O rile, "Ke sa tšo phološwa, ke ya Legodimong."

⁶⁴ O rile, "Ke eng seo o se swerego ka tlase ga letsogo la gago, selo sela ba se bitšago Beibele?"

O rile, "Ee, mohlomphegi, ke yona."

O rile, "Ga o dumele yeo?"

O rile, "Lentšu le lengwe le le lengwe la yona."

⁶⁵ O rile, "Gabotse, ke a thank a o dumela kanegelo yela ka hlapikgolo e metša Jona?"

⁶⁶ O rile, "Ee, mohlomphegi, ke a e dumela. Ge Beibele e boletše gore Jona o meditše hlapikgolo, ke tla e dumela."

⁶⁷ Gomme o rile, “Bjale o ya go netefatša bjang gore—gore hlapikgolo e meditše Jona, ka tsela efe ye nngwe eupša ka tumelo?”

O rile, “Ge ke fihla Legodimong, ke tla botšiša Jona.”

O rile, “Gona go ka reng ge Jona a se fao?”

⁶⁸ O rile, “Gona o tla swanelo go mmotšiša.” Kafao go nno ya go laetša se se bego se eya go direga, o ile ka tsela ye nngwe. Gomme seo se a e hlagiša.

⁶⁹ Eupša ke a dumela gore hlapikgolo e meditše Jona. Bjale, ka diatla di tlemilwe, ka mpeng ya hlapikgolo, tsela ntle godimo ga lewatile, e ka ba dikgato tše masomenne botebo.

⁷⁰ Bjale lena basadi le a tseba, ka hlapigauta ya lena ye nnyane. Hlapi e tsekella go kgabola meetse, go hwetša dijo tša yona. Gomme ka morago ga ge e hweditše dijo tša yona, e tlatša mpa ya yona ye nnyane, e ya fase botebong bja sebjana gomme e khutšiša mafegwana a yona a mannyane fao. Le a bona, o khutsitše. Mafegwana a gagwe a mo swara. Gomme bjale o iketlide ka gobane o lapile go tšwa go tsekeleng.

⁷¹ A re naganeng hlapi ye kgolo ye e dirile selo sa go swana. Ge a meditše moprefeta, o ya tlase botebong, boima bja gagwe bjo bogolo bja ditone tše ntši, o robala fase godimo ga botlase bjale, le moprefeta ka mpeng ya gagwe. Gomme moprefeta o be a sa phela. O mo meditše. Gomme Jona o swanetše go be a retologetše godimo, tlase ka mpeng ya hlapikgolo. Gomme, le a tseba, mo gohole a bego a lebelela, o be a kgona go bona mpa ya hlapikgolo.

⁷² Gomme ka mehla ke be ke gopola ka batho, ba re, “Ke rapeletšwe bošego bja go feta, eupša seatla sa ka ga se kaonana. Ke rapeletšwe, gomme ga ke kwe bokaonana e ka ba bofe.” Gabotse, o lebeletše dika, ge feela o lebelela tše. Ge modiša wa lena a go rapeletše, a go tloditše ka oli, goba tshepedišo efe kapa efe a e šomišago ya Beibele ya Modimo, o swanetše go e dumela. O swanetše go e dumela.

⁷³ Bjale ga ke nagane gore e ka ba mang wa rena o kile a ba le dika tše dintši bjalo ka ge Jona a bile, ka gore, tsela ye nngwe le ye nngwe ye a bego a lebelela, e be e le mpa ya hlapikgolo. Eupša le tseba se a se boletšego? O rile, “Ke maaka a mafeela.” Ga a ye go e dumela. O rile, “Gatee gape ke tla lebelela tempeleng ye kgethwa ya Gago.”

⁷⁴ Bjale Jona o tsebile gore ge Salomo a be a gafela tempele, Modimo o hlatsetše Bogona bja Gagwe ka tempeleng, ka go tla ka gare bjalo ka Pilara ya lero, le go ya ka gare le go ya godimo ka morago ga Lefelo le Lekgethwa, godimo ga Setulo sa Kgaogelo le godimo ga areka, gomme a dula fase. Gomme Salomo o rapetše, “Morena, ge batho ba Gago ba le bothateng, kae kapa kae, gomme ba tla lebelela go lefelo le lekgethwa le, le go rapela, gona O ba kwe go tšwa Legodimong.”

⁷⁵ Bjale, ge Jona, ka tlase ga maemo ao, a ka kgona go ba le tumelo ka go thapelo ya monna, motho, yoo moragwana a kgelogilego; le godimo ga tempele ye e bego e agilwe ka diatla tša motho, yeo Modimo a tliego ka go yona; gomme a lokollwa go tšwa go tše bjalo, dika tše bjalo ka tše; ke bontši gakaakang re swanetšego, bošegong bjo, ka tlase ga seemo sa rena se sennyane, thwi ka bogareng bja Bogona bja Modimo yo mogolo Yenamong, moo re bonago batho ba fodišwa, ba phološwa, le go tlatšwa ka Moya wo Mokgethwa! Le se ke la lebelela go lebanya tempele ya tlhago; eupša lebelelang go tempele Legodimong, moo Kriste a dutšego ka seatleng se setona sa Bogoši, le maatla, ka Madi a Gagwe Mong, go dira poelano godimo ga boipolelo bja rena. Re swanetše go lewa ke dihlong ka bofokodi bja rena. Bjale, go fihla o ka kgona go ba le tumelo ye kaonana go feta ye Jona a bilego le yona, o se ke wa mo swaswalatša.

⁷⁶ Hlokamelang, gona re hwetša gore Modimo, ka tlase ga thapelo yela le tumelo yela . . . A ka be a kgonne go bea tente ya oksitšene fale; ga ke tsebe se A se dirilego. Eupša o dutše, go ya ka Lentšu la Kriste Mong, matšatši a mararo le mašego ka mpeng ya hlapikgolo yela. Gomme ka gona a re naganeng ka yona, e ka ba, e ka no ba e be e ka ba iri ya lesometee ka letšatšing, banna ba go thea dihlapi bohole ba be ba le kgauswi le go ba komana go tsena bakeng sa dijo tša bona tša mosegare, gomme ba be ba le hleng le go tše dinnete tša bona. Gomme bahetene ba ba be ba rapela diphoofolo, gomme modimo wa lewatle e be e le hlapikgolo. Gomme e ka ba gare ga mosegare, mo go tla modimo wa lewatle a etla ka gare, hlapikgolo, a lakaila leleme la gagwe ntle, gomme moprofeta a sepelela thwi go tšwa molomong wa gagwe. Ga go makatše ba sokologile, nnete, gobane modimo o tshwetše moprofeta ntle. Gomme o ile go kgabola mekgotha, a re, “Mo matšatšing a masomenne lefelo le le tla senywa.” Le a bona, Modimo o tseba mokgwa wa go dira dilo.

⁷⁷ Bjale, ba kgopetše Jesu bakeng sa leswao, gomme O ba boditše gore, “Mo—mo moloko wo mobe le wa bootswa o nyaka maswao.” Gomme, bjale, ke a tseba go na le tlhathollo gore O be a e ra bona. Yeo ke therešo. Eupša ke ya go no e rwala go ya pele, go ba le tlhalošo gabedi.

⁷⁸ Ke neng re kilego ra ba le moloko wo mobe le wa bootswa go feta re nago le wona thwi bjale? Moloko wo mobe le wa bootswa! Ba tla re go wena, eya ntle mokgotheng, ba re, “A ke wena mofodiši yo Mokgethwa?”

“Aowa. Kriste ke yena.”

⁷⁹ “Gabotse, ge o le mofodiši, goba o a dumela, o re o mofodiši; ke a tseba mothaka o tlase mo o a babja, etla o mo fodiše. Ke a tseba o re o tsošitše bahu; monna o hwile gomme o mo tsošitše? Re na le serapa sa mabitla se tletše bona tlase mo; e netefatše go rena.”

⁸⁰ Elelwang, yoo ke diabolo yola wa kgale wa go swana yoo a rilego, “Ge O le Morwa wa Modimo, laela matlapa a go ba borotho.”

⁸¹ Ke diabolo wa go swana wa kgale yo a beilego lešela godimo ga mahlo a Morena wa rena, ka paleising mosong wola, a khupeditšego mahlo a Gagwe, gomme ba tšere lepara, ale a go tagwa, mašole a lešata, le go Mo itia hlogong ka lona, gomme ka gona ba fetišetša lepara, yo motee go yo mongwe, gomme a re, “Re a kwešiša gore O tseba diphiri tša pelo. Re a kwešiša gore O moprofeta. Ge O le moprofeta, profeta gomme o re botše ke mang a Go bethilego. Re tla e dumela gona.” Le a bona, yoo ke diabolo yola wa kgale wa go swana. Le a bona? Modimo ga a direle motho motlae.

⁸² Ke diabolo wa go swana wa kgale yo a rilego, “Fologa sefapanong. A re Go bone o dira mohlolo.” Diabolo yola o a phela lehono.

⁸³ Gomme Jesu o boletše, gore, “Wo mobe, wa go fokola, moloko wa bootswa o tla nyaka leswao, gomme ba tla le hwetša. Ka gore bjalo ka ge Jona a bile mpeng ya hlapikgolo, lebaka la matšatši a mararo le mašego a mararo, kafao Morwa wa motho o tla ba ka pelong ya lefase.” Gona ke mohuta ofe wa leswao A bego a bolela ka lona? Leswao la tsogo. Gomme ka morago ga mengwaga ye dikete tše pedi ya go rera Ebangedi, mengwaga ye dikete tše pedi ya tshwaswalatšo, Beibele e otletše go kgabola yohle ya yona. Gomme, bošegong bjo, Jesu Kriste o ka magareng ga rena, ka maatleng a tsogo ya Gagwe, a dira dilo tša go swana A di dirilego ge A be a le mo lefaseng. Wo ke moloko wola wa go fokola le wa bootswa.

⁸⁴ Mokgethwa Johane 14:12, Jesu o rile, “Yo a dumelago go Nna, mediro ye Ke e dirago o tla e dira le yena.” Le a bona? “Efela lebakana le lennyane gomme lefase, tshepedišo ya kosmose, le ka se Mpone gape, efela lena le tla Mpona. Yoo ke mosedumele, lefase, tshepedišo ya lefase, tshepedišo ya kereke, e ka se Mpone gape. Efela lena le tla Mpona, modumedi, gobane Ke tla ba le lena, ebile ka go lena, go fihla bofelong bja lefase.”

⁸⁵ Gomme moloko wo mobe wo le wa bootswa wo re nago nao lefaseng, wa go dira metlae ka Lentšu la Modimo la setlogo, wa go dira metlae ka—ka kereke, o amogela bošegong bjo leswao la tsogo. Ka gore, dilo tše Jesu Kriste a di dirago lehono, ka kerekeng, ga go motho lefaseng a ka kgonago go e dira ka ntle ga Jesu Kriste. Gomme ke leswao gore O a phela bošegong bjo. O tsogile go tšwa bahung, mengwaga ye dikete tše pedi ya go feta, gomme o no phela bošegong bjo bjalo ka ge A bile ge A sepetshe ka Galelia. Amene. Leswao la tsogo!

⁸⁶ Ka gona re a hlokomela, pele go theoga, O šupa go nako ya Salomo. O rile, “Banna ba Ninife ba sokologile ka theroy Jona, gomme go na le yo mogolwane go feta Jona mo.” O rile, “Gomme

bjalo ka matšatšing a Salomo, ka fao kgosigadi ya Borwa e tšwago dikarolong tša kgolekgole tša lefase, go kwa bohlale bja Salomo, gomme yo moglwane go Salomo o mo.”

⁸⁷ Le a bona, ga se ba kgone go e kwešiša. Ba be ba tlalelane. Jesaya o rile, “Ba na le mahlo gomme ga ba kgone go bona, ditsebe gomme ga ba kgone go kwa.”

⁸⁸ Ke ya go bolela se ka lerato. Pentecost, e nyakile go hwetša tsela ya go swana. Selo se Modimo a se tshepišitšego, se feta thwi godimo ga rena, gomme re no se tlogela se eya. Se e lego bothata ka batho ba Pentecostal, ke se, ba bone bontši kudu bja Modimo . . .

⁸⁹ E nkgototša seema sa kgale, goba kanegelo ye ke e badilego gatee ya mongwadi yo a ngwadilego ka lewatle, gomme o rile o be a se nke a ke a le bona. Go swana le ge re kwešiša gore Stephen Foster, mongwadi wa go ratega wa setšhaba, o ngwadile ka “Swanee” Noka, gomme ga se a ke a tsoge a bona Noka ya Suwannee. Gomme mongwadi yo o be a ngwadile ka lewatle, gomme o be a se a ke a bona lewatle. Nako ye nngwe o tšere leeto go ya lewatleng. Gomme tseleng ya gagwe o kopane le mosesiši wa kgale, letswai la kgale, a etla godimo, ka tšitšhiboya ye pududu sefahlegong sa gagwe, le pepi ya gagwe ya mokgokgothi ka molomong wa gagwe. O rile, “O ya kae, monna wa ka wa go loka?”

⁹⁰ O rile, “Ke ya lewatleng.” O rile, “Ke nna—ke nna moreti.” O rile, “Ke—ke no nyaka go le bona. Ke nyaka go bona maphotho a lona a mašweu ge maphoto a letswai a kgapetša godimo ga bolou. Ke nyaka go bona ponagatšo ya leratadima ka go meetse a bolou, a nkga letswai ka moyeng. Ke nyaka go kwa dinonyanawatle ge di goelela le go goelela, ge di eya morago le pele go kgabaganya meetse.”

⁹¹ Letswai la kgale le tšere pepi ya gagwe ya mokgokgothi go tšwa molomong wa gagwe, gomme la tshwela. O rile, “Ke tswetšwe go lona, mengwaga ye masometshela ya go feta. Ga ke bone selo sa kgogedi kudu ka lona.” Gobaneng? O be a bone bontši kudu bja lona, le bile setlwaedi go yena.

⁹² Gomme seo ke se e lego bothata ka lena Mapentecostal. Le bona bontši kudu bja ditumišo le ditšhegofatšo tša Modimo, go fihla e thelela thwi ka lena. Re swanetše go ba le tlhomphokgolo ka dilo tše, le go hlompha se sengwe le se sengwe seo Modimo a re fago sona.

⁹³ Bjale, matšatši a Salomo, bjalo ka e ka ba ofe moithutamodimo, monna wa Lengwalo o a tseba gore leo e be e le lebaka la gauta la Bahebере. Ba be ba se na le dintwa. Ba, le be le nyakile go ba bjalo ka Miliniamo go bona. Letšatši le legolo! Ba agile tempele. Ditšhaba tšohle di ba boifile. Ba be ba boifa go dira e ka ba eng, gobane ba a tseba gore batho ba be ba ne pelo e tee le mmtero o tee. Modimo o ba file mpho, gomme ba

e dumetše. Ba e amogetše, gomme ka pelo e tee le mmero o tee ba šoma ka yona.

⁹⁴ Oo, ge rena, batho ba Amerika re ka kgona, bošegong bjo, ba bohle Mapresbyterian, le Mamethodist, le Mabaptist, le Mapentecostal, go kgeila motlwaе wa lena wo kerekeleina ya lena e o agilego go le dikologa, go aroganya boena, “go bonagalago go se na le tumelo.” Ge re ka kgona go tšwela ka ntle ga legapi lela la kgale le re lego ka go lona, gomme ra kgona go tla mmogo le go amogela mpho ya Modimo, godimo ga motheo wa gore O re file yona, e tla ba sešireletšo sa pomo se sekaonekaone kudu ke tsebago ka sona. Bokaone ke eme ka morago ga seo, ditshepišo tša Modimo, go feta dišireletša dipomo tšohle ba ka kgona go di aga. Ka fao, a setšhaba, a tsošeletšo e tla bago gona, ka fao ditšhaba tše dingwe di tla tšhogago go dira e ka ba eng ka yona. Modimo o re file mpho, eupša re e dira ye bohwefo.

⁹⁵ Re leka go e tliša godimo ka go sehlopha se tee se sennyane, le go re, “Re na le yona, gomme ga o na le selo gape go dira le yona, ka baka la gore ga o bone ka digalase tša ka.” Ga ra swanela go dira seo. Ga se gwa loka. Ge feela diabolo a ka kgona go le dira le lwe seng, ga a swanela go lwa.

⁹⁶ Eupša ge le bona go kopana gola ga maatla a Modimo, go kgobela kereke ya Gagwe mmogo go tšwa go diphefo tše nne tša lefase, gona le ya go bona se sengwe se direga.

⁹⁷ Re hwetša gore, mo matšatšing a Salomo, Modimo o mo file mpho ya tlhatho. E be e le mpho ye kgolo, mpho go hlatha dikgopolole, le go ya pele, ya bohlale. Gomme batho ba kgobokane go e dikologa. Ba mo dirile kgoši. Gomme, le a tseba, o bile polelo ya lefase. Yo mongwe le yo mongwe o boletše ka Israele. Bjale, ba be ba se na le megalala le dithelebišene, le dilo, nako yeo, ba be ba rwala ditaba go tšwa dipounameng go ya tsebeng. Gomme batho ba bangwe le ba bangwe ba tlago go kgabola ba etla go bona mpho ye kgolo ye ya Modimo, e šoma, gomme batho ba be ba tla, gonganeng, ba be ba tla—ba be ba tla botša yo mongwe le yo mongwe. Gomme tumo ya gagwe e ile lefase ka bophara. Gomme bohle ba bona ga se ba be le dintwa, go se bothata, gobane ba amogetše mpho yeo Modimo a ba filego.

⁹⁸ Rena bohle, bošegong bjo, rena Presbyterian, Methodist, Baptist, karolo ya Pentecostal, bohle re ka no lahla kgole dikgopolole tša rena, le go tla morago le go bona se Modimo a se boletšego ka Wona, le ka fao A rilego O be o swanetše go fiwa. A ka se kgone go O fetola. Ka tsela ye O welego ka Letšatši la Pentecost, ke ka tsela ye O welego ka ntlong ya Koronelio. Gomme nako ye nngwe le ye nngwe ge O kile wa wa, O wele ka tsela ye e swanago, ka tlase ga taelotšhomiso ye e swanago ye Petro a e ngwadilego ntle, ka go Ditiro. Gomme yeo e sa le tsela ye e emego. E swanetše go dula ka tsela yeo. Tsela efe kapa efe ye nngwe... Ga go lefelo le lengwe ka Beibeleng moo ba kilego

ba O amogela ka tsela e ka ba efe ye nngwe go feta go latela taelotšomišo yela ya Ditiro 2. Seo ke tlwa. Yeo ke, gomme re a O hwetša lehono, yeo ke tsela ye e swanetšego go tla.

⁹⁹ Eupša ka tlhokofalo, motho o amogela Modimo le go Mo dumela, eupša ge ba ka no... Ka gona ba ikgogela ka bobona go tloga, gomme, "Gore, re na le *se* gomme seo ke sohle se lego go Wona." Gona ba ikaroganya bonabeng. Gona ba ka se tšeekutollo ye mpsha. Ba a e kgatlofatša. "Ye ke yona. Ye ke thuto ya rena," e felela ka—ka khutlo. Ge o ka ba le kerekeleina ye e tla fetšago thuto ya gago ka fegelwana, "Re dumela *se*, go hlakanya le bontši bjo Modimo a tla re laetšago," gona seo se lokile, ke tla ya bakeng sa seo; eupša e segó le khutlo. Gobane, Modimo ke Modimo, gomme nako e a kgatlampana.

¹⁰⁰ Ka mehla re leka go lebelela morago le go bona se Moody a se boletšego, se Sankey a se boletšego, se Finney a se boletšego, se Wesley a se boletšego, se Luther a se boletšego. Bona e be e le monna wa letšatši leo.

¹⁰¹ Saense ga e lebelele morago le go bona se saense e se boletšego. Gobaneng, mengwaga ye makgolotharo ya go feta, rasaense wa Mofora o netefaditše gore ge monna a ka tsoge a ya lebelo la go šiiša la dimaele tše masometharo ka iri, kgogedi ya lefase e tla mo tloša lefaseng. A le ka eleletša saense ya sebjalebjale e bolela seo? Lehono o ya e ka ba dimaele tše dikete tše pedi ka iri, a leka go hwetša se sengwe go thibela go tološa tshipi gore a kgone go ya dimaele tše dikete tše nne ka iri. Ga ba lebelele morago le go šupa go yena. Ba lebelela pele.

¹⁰² Eupša kereke ka mehla e lebelela morago. A re lebeleleng godimo! Ka gore, maatla a bona a lekanyeditšwe. Gomme re na le maatla a go se lekanyetšwe, "Ka gore dilo tšohle di a kgonega go bona ba ba dumelago go Modimo." Ya kgonthe ya mmapale tumelo e tla feleletša Lentšu le lengwe le le lengwe leo Modimo a le fago, ka "amene." E segó, "Gabotse, e be e le la moloko wo mongwe." O a swana maabane, lehono, le go ya go ile!

¹⁰³ Bjale re hwetša gore Salomo, ditaba di phatlalatše kudu go fihla e ile tsela yohle go theogela ka Seba. Gomme ba bile le kgošigadi tlase fale, o swanetše go be a bile mohumagadi yo mobose yo monnyane. O tla buša godimo ga batho ba gagwe. Gomme, le a tseba, ba thoma go mmotša gore go be go le momo Modimo yo mogolo godimo ka Israele, gomme O be a tloditše motho ka mpho ya tlhatho yoo e bego e le motho wa godimodimo, gore ga go motho a bego a ka ba le bohlale boka bjoo. Bo be bo swanetše go tšwa go modimo. Gomme, le a tseba, "Tumelo e tla ka go kwa, go kwa Lentšu." Gomme e rathile pelo ya gagwe, boka e dirile mosadi yo monnyane wa moišwarahlepi mo sedibeng bošegong bja go feta. E rathile pelo ya gagwe, gomme a thoma go hlologela go hwetša ka se.

¹⁰⁴ Ke nagana go swanetše e ka ba mang wa rena, ge re hwetša moo Bophelo bjo Bosafelego bo letšego, gobane re leka go phela.

¹⁰⁵ Gabotse, sehlopha se sengwe le se sengwe se tlie go kgabola, ka kgonagalo o be a tla se emiša le go se tliša ka paleising. “A le fetile go kgabola Palestina?”

¹⁰⁶ “Ee, re ne ditlolo tše rilego, le mabje a bohlokwa le dilo go tšwa fale.”

“Gabotse, a ke therešo ka mpho ye kgolo yela ya Modimo wa bona?”

¹⁰⁷ “Ke therešo. Ke e bone e šoma.” Le a bona, tumelo e tla ka go kwa.

¹⁰⁸ Gomme ka gona a thoma go, a thoma go nyorwa. O be a nyaka go e bona, ka boyena.

¹⁰⁹ Bjale o bile le bothata bjo bontši go kgabola. Selo sa pele, o be a le mohetene. Selo se sengwe, o be a le kgošigadi. Gomme ga go pelaelo, go dira se, o be a swanelo go ya go moprista wa gagwe mong, go hwetša tumelelo go ya godimo go kwa se. Kafao ke kgona go eleletša . . . Ge ke kwagala go nyefola, ga ke re se bjale. Ke no ya go fa tiragatšo ye nnyane fa. Ke kgona go mo eleletša a eya tlase go moprista, gomme a re, “Tate yo mokgethwa?”

“Ee, morwedi wa ka,” go boletše moprista.

¹¹⁰ “Ke be ke ekwa ditaba gore godimo ka Israele ba na le Modimo godimo kua, yo a tloditšego monna ka tlhatho le maatla a Gagwe Mong.”

¹¹¹ “Bjale theeletš, morwedi. Ge, ge medimo ye megolo e ka tsoga ya sepela, e tla sepela magareng ga rena.” Le a tseba, ga ba swanelo go ba baprista ba bahetene bohle, go dumela seo. Le a bona? “Ge ba ka tsoge ba sepela, ba tla dira e ka ba eng ka mokgatlong wa rena. Ba ka se be magareng ga bona ba bangwe, o a bona. Morago ga tšohle, ke bona sehlopha sa bapshikologibakgethwa.” Gabotse, ga se ke nyake go bolela seo, le a bona, eupša le a tseba. “Bona—bona—bona, bona ga se bontši kudu. Seo e no ba sehlopha sa mahlanya. Ba bolela mehuta yohle ya dikanegelo mabapi le go tshela Lewatle le Lehbedu, e sego selo eupša dinonwane. Kafao o ka se kgone go dumela sehlopha sela godimo kua, gobane ba—ba no ba sehlopha sa bahlahlathi. Bjale ge go na le maatla e ka ba afe, a ka go modimo yo mogolo, Dagone, goba ba bangwe ba ba fa.”

¹¹² Ke kgona go kwa mosadi yo monnyane, a bolela motsotsso, o rile, “Eupša, o a tseba, ba mpotša gore Modimo yo yola ba nago le yena godimo fale ke Modimo wa kgonthé.”

“Gobaneng,” o rile, “morwedi, *yoo* ke modimo wa kgonthé.”

“Eupša, bona, ba mpotša gore Modimo yo godimo kua o na le bophelo.”

¹¹³ Le a bona, ge—ge—ge se sengwe ka kgonthé se notasetše ka pelong, Modimo o tla bolela le wena ge o ka no tšwelapele o bolela. Le a bona, “Le se ke la nagana gore le tla reng; go tla fiwa go lena ka iring yeo.”

¹¹⁴ Ka gona o rile, “Ba re Modimo yo godimo mo ke Modimo yo a ratago batho ba Gagwe, ka gona O tla fase gomme O itira ka Boyena go tsebja ka batho ba Gagwe.”

“Aa, ga go selo go seo. Theetša.”

Oo, o reng? “Bjale motsotso feela. Ke ya godimo.”

¹¹⁵ “Ge o eya godimo, wena, gobaneng, o tla tliša kgobogo. O se ke wa be wa tsenela tsošeletšo yela. Gobane, ga re dirišane mmogo, le a tseba, kafao ga wa swanela go dira seo.” Le a bona?

¹¹⁶ “Gomme o a tseba,” o rile, o rile, “makgolokhukhu wa ka o hlanketše modingwana yola wa maitirelo, sehlwaseeme sela, goba makgolo wa ka le mme wa ka, bohole batho ba ka ba be ba direla tšona dihlwadieme, gomme ga go le o tee wa tšona o laeditšego tshetlana e tee ya bophelo. Ba no ba . . . Ga ke kgathale ke disekorolo tše kae o ka di balago, le bontši bjo bokae, ga se di bontšhe tshetlana e tee ya bophelo. Gomme ba re, ‘Bjo ke Bophelo.’ Gomme bjo ke . . . Ke tshwenyega ka bjona.”

¹¹⁷ Gabotse, ke kgona go mo kwa a re, “Bjale, lebelela, ge o eya godimo kua, ke ya go swanela go go kgaola. Ke ya go tšeа bja gago . . . O moleloko wa tokomane ya mmuši fa, o a tseba. Gomme ge eba ke . . . Gomme o na le seriti tsoko, gomme o tla theoša maemo a gago ge o eya magareng ga sehlopha boka seo.” Le a bona?

“Gabotse, a nke e be go maemo, goba aowa!”

¹¹⁸ Le a tseba, ge Modimo a eya go notasela pelo ya yo mongwe, ga go na selo se yago go ema tseleng ya bona. Ba ya go fihila fale, go le bjalo, gomme Modimo o ya go e hlokomela; Ga ke tshwenyeye ge eba ke monnamogatša, mosadimogatša, ngwana, moreri, modiša, e ka ba mang a lego, ge tlala e etla bakeng sa Modimo.

¹¹⁹ Bjale re hwetša mohumagadi yo monnyane, ge a loketše, o rile, “Gabotse, ke—ke a ya, go le bjalo.”

¹²⁰ “Eupša re tla go raka. Leina la gago le ka se be godimo fa.”

“Gabotse, le wena gabotse o ka no le tloša, gobane ke a ya.”

¹²¹ Kafao bjale nako yeo, o ile a swanela go lefa tefo. Bontši kudu bja rena ga re nyake go lefa tefo. Bokaone re swarelele go thutotumelo tsoko.

¹²² Bjale, mosadi ntle le pelaelo o be a ithutile disekorolo tša bodumedi bjo. O bone gore yeo e be e le tlhago ya Modimo; gomme Modimo yoo, Modimo wa bohlale bjohle, bo be bo filwe motho, gore Modimo ka Boyena o be a itlhagiša ka Boyena, e sego

ka modingwana yo mongwe wa semuma wa go betlwa, eupša ka monna.

¹²³ Ka fao gore bohetene ke sekai sa go phethagala, goba, molwa-...goba, sekai sa Bokriste, ka fao gore morapedi wa bohetene o tla wa pele ga mindingwana wa go betlwa le go ikala yenamong, ka tsela yeo, gore o-o dumela gore mindingwana yola wa go betlwa o bolela le yena.

¹²⁴ Boka mo—mo—mo Moindia Navaho. Ba be ba na le pshinyaleraga bakeng sa modimo wa pula, ka leraga magetleng a gagwe, gomme ba be ba dirile yeo mindingwana. Gomme ba dira legapi la go se be le selo, gomme ba tla bitša, gomme ba kgona go kwa mmalewaneng wa segalontšu sa bona beng, gomme ba naganne gore e be e le modimo wa pula a bolela morago go bona.

¹²⁵ A phapano ye e lego go Bokriste, go le bjalo. Re ikala renabeng pele ga Modimo wa kagodimogatlhago yoo a sego mindingwana wa go betlwa, gomme re tlatšwa ka Yena le go ba mindingwana wa Gagwe, seswantšho sa Gagwe sa go phela sa Gagwe, a šoma, a sepela godimo ga lefase bjalo ka kemedi ye e phelago ya Modimo yo re mo direlago. Modimo ka go motho! E kgahlanong le bohetene; ba wela pele ga Maria goba Josefa, goba mokgethwa yo mongwe, goba se sengwe go swana le seo, seo se bego se hwile lebaka la mengwaga. Gomme, eupša, le a bona, Moya wo Mokgethwa o tla ka go sephedi se sepheli, e sego ka go mindingwana wa go betlwa yo a hwilego; eupša ka go sephedi se sepheli, gomme o šoma ka sepheli sela se phelago, e sego ka mindingwana wa go betlwa. “Lena le ditempele tša Modimo.” Le a bona?

¹²⁶ Kafao re bona gore Modimo ga a fetoge, O dira selo sa go swana bošegong bjo bjalo ka ge A be a dira mo matšatšing a Salomo. O fa Salomo mpho ye.

¹²⁷ Gomme re hwetša, bjale mosadi yo monnyane o swanetše go itokiša. Bjale, o bile le dilo tše dintši go mo lebanya. O be a na le maemo a mantši le tšitišo ye ntši, eupša e sego tumelo ya gagwe. Tumelo ya gagwe e be e se na le ye e itšego.

¹²⁸ Bjale o naganne se, “Ke ya godimo kua. Gomme ge ke eya, gomme ge selo se lokile, ke ya go se thekga. Ge se se sa loka, nka goma le dimpho tša ka morago gae.”

¹²⁹ Le a tseba, o swanetše go bolela le batho ba bangwe ba Pentecostal. Yeo ke nnete. Uh-huh. Yeo ke nnete. O ya ntle mo gomme o ipitša ka bowena Pentecost, le go thekga mananeo a seyalemoya ao a dirago metlae ka selo se o dumelago go sona? Gomme ke ya magareng ga batho ba geno mong, go thuša go thekga lenaneo la Modimo. Le a bona?

¹³⁰ Bjale, eupša o tšere tšhelete, gauta le seorelo, le go ya pele, gomme o laišitše dikamela tsoko.

¹³¹ Bjale, selo se sengwe, o bile le le—le leeto la kotsi. Elelwang, bana ba Ishmaele ba be ba le ka leganateng, gomme ba be ba le bahlakodi. Gomme go bonolo bjang go sehlopha sela sa bahlakodi go wela godimo ga kgošigadi ye nnyane ye, le balaki ba se bakae mmogo bjalo ka bahlapetši, le go bolaya bale le go tsea lefa lohle le.

¹³² Eupša, le a tseba, ge o swerwe ke tlala le go nyorelw Modimo, ga o bone kotsi e ka ba efe, ga o bone selo. O leka go fihla go Modimo, gomme Modimo ka mehla o bona gore o fihla kua.

¹³³ O be a nyaka go fihla kua. Yeo ke tlhogeloa ya pelo ya gagwe, kafao Modimo o be a eya go bona gore o fihlile kua. Bjale, ga se a ke a gopola ka kotsi.

¹³⁴ Ga o nagane ka kotsi. Ga o nagane ka tshwaswalatšo. Ga o tshwenyege se yo mongwe gape a se boleLAGO. Ge pelo ya gago e swerwe ke tlala kudu bakeng sa Modimo, maikemišetšo a nnoši o nago ke go fihla go Yena. Ga go dire phapano ye e itšego ka fao o swanetšego go fihla fao. E no fihla fao! Bjale, o be a na le maikemišetšo ao a swanago.

¹³⁵ Gomme bjale, ntle le pelaelo, o be a swere disekorolo tšohle gomme o be a bala godimo, ge a be a eya mmogo. Ba swanetše go be ba sepetše nakong ya bošego, ka gore, Leganata lela la Sahara, mahlasedi ale a thwi a phišo a kudu, a fiša kudu.

¹³⁶ Bjale e nong go nagana, o bile le sethakgo se sekae a ilego a swanelo go se ya, go bona bohlale bja Salomo. Ge o se ela mo mmepeng wa gago, ke ditsela tše telele tlase kua, e ka ba dimaele tše makgolotharo. Gomme le a tseba go mo tšere botelele gakaakang? Bjale, o be a sa ye ka Cadillac ya sefehlamoya, eupša o ile godimo ga mokokotlo wa kamela. Gomme go mo tšere matšatši a masomesenyane, dikgwedi tše tharo, go fihla kua.

¹³⁷ Ga go makatše Jesu o rile, “O tla ema le moloko wo le go o ahlola.” Ba bangwe ba batho ba phela go kgabaganya mokgotha, ebole ba ka se etele moo selo sa go swana se yago pele. Yeo ke nnete. Amene. Ga go makatše o tla ema Kahlolong le moloko bjale, le go o ahlola. Aowa, ge re na le Cadillac ya sefehlamoya, le ditimela le difofane, le tsela ye nngwe le ye nngwe, Modimo o no e bea thwi ka diatleng tša gago gomme go le bjalo re ka se e dire. Gomme o tlide bokgole bjoo bjhole go kwa bohlale bja Salomo, gomme yo mogolo go Salomo o fa, Morena Modimo Yenamong! Hlokamelang!

¹³⁸ Ka gona re hwetša gore o thomile go kgabaganya leganata, a bala disekorolo tšela, mafelelong o pinyededitše go ya pele go fihla a fihla kua.

¹³⁹ Go molaleng o tlide godimo ka jarateng, jarata ya paleisi goba e ka ba kae e bego e le, gomme a hloma ditente tša gagwe, e bego e le setlwaedi ka go wona matšatši, le bahlankagadi ba gagwe ba bannyane le balaki ba gagwe, ba di hlomile.

¹⁴⁰ Gomme ka gona a re nong go nagana, mosong wo o latelago, tleloko e llile gomme—gomme diphalafala tšohle di galagetše, moopelo o ile pele, gomme o tsene ka gare le go tšea setulo sa gagwe moragorago ka morago. O tlie go hwetša se e bego e le sona, therešo goba aowa. O be a nyaka go ikhweletša yenamong. O be a sa nyake go dula tsela tlase kua. Ge a kwele selo se segolo se, ga se nke a tšea se yo mongwe gape a se boletšego ka yona. O be a nyaka go ikhweletša yenamong.

¹⁴¹ Boka Filipi a boditše Nathaniele, ka go thuto ya rena bošegong bja go feta, o rile, “A e ka ba eng se sebotse se ka tšwago Natsaretha?” Goba go tšwela ka ntle ga... ke tla nagana ka lefelo mo motsotsong, moo A tšwago gona. O rile, “A e ka ba eng se sebotse se ka tšwago Natsaretha?”

¹⁴² O rile, “Etla gomme o bone. O se dule fale gomme wa swaswalatša. Etla, ikhweletše wenamong.”

¹⁴³ Ge re ka no dira selo sa go swana bošegong bjo. Etla, o a bona! Tšea Beibebe ya gago, hlodiša se o se bonago se eya pele. “Phetlang Lengwalo,” Jesu o rile, “ka gore Ke Wona a pakago ka Nna.” Yena ke Lentšu. Gomme Mangwalo ka Bolona ke Lentšu, kafao Le paka ka Yena ge Lengwalo le eba Bophelo go wena, ge Le dirwa go bonagala ka go wena.

¹⁴⁴ Bjale re hwetša gore o be a badile disekorolo, gomme o tsebile tlhago ya se Jehofa a bego a le sona: bohlale bjohle. Gomme ge a hlomile ditente tša gagwe tše nnyane, a kgobela dimpho tša gagwe morago sekhutlong, go hwetša ge eba e be e le nnete goba aowa. Ge e le nnete, e swanelia se sengwe le se sengwe a nago naso. Ge e se nnete, e tšeele morago.

¹⁴⁵ Gomme ke nagana selo sa go swana bošegong bjo. Ge eba peakanyo ye ya phološo ye re e lwelago ke nnete, re kolota se sengwe le se sengwe re nago naso, bophelo bja rena, nako ya rena, se sengwe le se sengwe gape. Ge e se nnete, gona hwetša se e e lego nnete; gobane o no ba le bophelo bjo botee bjo, gomme bo tla be bo fedile ka pejana. Phetlang Mangwalo, pele, gomme le bone ge eba a bapela le Lengwalo.

¹⁴⁶ Gona re hwetša mosadi yo monnyane yo o hwetša setulo sa gagwe moragorago ka morago, boka ditlaboswana tšohle di leka go dira nako ye nngwe. Gomme ka morago phalafala e galagetše. Modisa Salomo o tlie ka gare, a dula fase. Kopano e thomile. Dikarata tša thapelo di biditšwe. Seo se kwagala gampe, eupša ke leka go dira ntlha. Gomme o hweditše bjale. O rile, “Ke tla bona moo bohlale bjo bo lego.” Kafao ge molwetsi wa pele, go le bjalo e etla, goba e ka ba eng potšišo e bilego, e etla pele ga Salomo, o e utolotše. O rile, “E re, yeo ke nnete.”

¹⁴⁷ Bjale, o be a sa nyake go re, “O a tseba, monna yola o na le go bala monagano, ke a dumela.” Pelo ya gagwe e thoma go swarwa ke tlala. O thoma go dumela, letšatši ka letšatši.

¹⁴⁸ Mafelelong go tlie nako ya gagwe go ema pele ga gagwe. O bile le diphiri tše dingwe, le yena. Gomme ge a etla godimo pele ga Salomo, Beibele e boletše, gore, “Go be go se selo ka pelong ya gagwe se utagaletšego Salomo.” O utolotše sephiri se sengwe le se sengwe ka pelong ya gagwe.

¹⁴⁹ Gomme ge e dirilwe go yena, o eme bjalo ka mohetene pele ga batho, gomme o rile, “Tšohle tšeō ke di kwelego ke therešo, le go feta.” O rile, “Ba lehlogonolo ke banna bao ba lego fa go bona selo se se kgatlampanago letšatši le lengwe le le lengwe.” Amene. Oo, o—o be a se sa na mohemo ka go yena, le gannyane. Ge a bone gore ba bangwe ba bile le yona e dirilwe go bona, gomme o bile le yona e dirilwe go yena, gomme o dumetše Modimo.

¹⁵⁰ Ga go makatše, ga go makatše gore Jesu o boletše gore, “O tla ema le moloko wo.” Ge, šole O be a eme fale, a dira sona selo sa go swana, feela bontši bja sona, le maswao a maatla kudu; gomme ba be ba eme fale, “Bontša,” ba re, “re bontšhe leswao go tšwa Legodimong.” Oo, batho ba ka kgona go ba difofu bjang! O rile, “O tla ema ka Kahlolong, le moloko wo, le go o ahlola.”

¹⁵¹ Gomme ka gona ka morago ga mengwaga ye dikete tše pedi ya therò ya Ebangedi, le Moya wo Mokgethwa o tšologela ntli ka go matšatši a a mafelelo, godimo ga batho, dimpho tša Moya wo Mokgethwa, le go tshepiša gore tlatho ye kgolo ye e tla tla morago ka kerekeng gape; o tla dira eng go moloko wo ge a eme fale, ka morago ga nako ya gagwe le mengwaga ye dikete tše pedi tša go rerwa ga Ebangedi, ka go matšatši a a mafelelo go bona dimpho, e sego mpho, eupša dimpho tša Moya wo Mokgethwa? O neetše bophelo bja gagwe go Kriste. Gobaneng?

¹⁵² Ke swanetše go tswalela, gobane ga ke... Ke nyaka—ke nyaka go le rapelela.

Bagwera, le a bona, ba rile, “Re bontšhe leswao. Re nyaka...”

¹⁵³ Seo ke se e lego bothata ka Mapentecostal. Le lebeletše se sengwe, gomme le lengwe la matšatši a se ya go ba kgole kudu. Se fetile thwi kgauswi le lena, gomme ga se nke la se tseba.

Elelwang, ka matšatšing a Eliya, ga se nke ba mo tseba.

¹⁵⁴ Ka matšatšing a Johane Mokolobetši, ga se nka ba mo tseba. Gomme o be a bolelwa, ka Lengwalong, gore o be a tla ba, “Ke roma motseta wa Ka pele ga sefahlego sa Ka, go lokiša tsela.”

¹⁵⁵ Gomme ebile le barutiwa ba tlie go Yena, ba re, “Ka baka la eng Eliase a swanetše go tla?”

O rile, “O šetše a tlie, gomme ga se le e tsebe.”

¹⁵⁶ Ba be ba sa tsebe Jesu o be a le Kriste, go fihla A hwile le go bolokwa.

Ba be ba sa tsebe gore Irenaeus o be a le goba... .

¹⁵⁷ Ke tla bolela se, gore batho bohole ba tla tseba. Ba be ba sa tsebe Joan wa Arc o be a le mokgethwa wa Modimo, go fihla ba mmolaile. Kereke ya Katoliki e tshumile Joan wa Arc, go ba moloi, gobane o bone dipono le go rapelela balwetši, o tlišitše bahu morago bophelong. Gomme kereke ya Katoliki ya mmitša moloi, gomme ya tshuma mosadi yoo mo koteng. Gomme e ka ba mengwaga ye makgolopedi moragwana, ba phafogile gomme ba hweditše gore o be a le mokgethwa. Nnete, ba dirile boitsholo bjo bogolo, ba epolotše mmele wa bona baprista le go ba lahlela ka nokeng. Ditšiebadimo!

¹⁵⁸ Eupša šetšang, go ka direga magareng ga rena, gore selo se ke se tle gomme se tsebagatšwe ka go hlaka ke Modimo ka Lengwalong, le ka saense le se sengwe le se sengwe gape, gomme se tla re feta gomme re ka se e tsebe. Gona se ema ka go letšatši la mafelelo, se tsebagaditšwe ka go hlaka.

¹⁵⁹ Motho o sa swana. Motho ka mehla o reta Modimo go se A se dirilego, gomme ba bolela ka se A tla se dirago, gomme ba hlokonomologa se A se dirago. Yeo ke tlhago ya motho.

¹⁶⁰ A re Mo lebeleleng, se A se dirago bjale. Ke Jesu Kriste wa go swana maabane, lehono, le go ya go ile, Jehofa Modimo wa go swana yo a dirilwego go bonagala ka go Yena. “Ka letšatši leo le tla tseba gore Ke be ke le ka go Tate, gomme Tate ka go Nna; Nna ka go lena, le lena ka go Nna.” Modimo a theoga go tloga go Pilara ya Mollo, go ya go Motho; gomme go tloga go bophelo bjo bo dirilwego sehlabelo bja Monna yola, Madi ao a re hlwekišitšego le go tla fase ka go rena, go kopanela gape, go gogela kereke ntle bakeng sa Edene gape.

¹⁶¹ Gobaneng? Bjale homolang motsotso feela. Ke eng se se dirilego se go mosadi yola? O be a le modumedi yo a boletšwego, eupša pelo ya gagwe e be e swerwe ke tlala go bona se sengwe sa kgonthé. O nyakile se sengwe sa kgonthé.

¹⁶² Ge o swerwe ke tlala go bona se sengwe sa nnete, Modimo o tla se laetša go wena. Ka mehla o tla hwetša se o se lebeletšego.

¹⁶³ E a nkgopotša, bjalo ka ge lena batho bohole le tseba gore ke... ke be ke bolela le mogwera wa ka morago fa, Ngwanešu Brown, lebakana la go feta. Ke elelwa Kgaetšedi Brown o mo felotsoko, o rile; mo šegofatše. Ka fao ke phetšego le bona batho tlase kua ka go wona matšatši a pele a bodiredi bja ka! Gomme Ngwanešu Brown ke mohuta wa ngwanešu wa go tlala wa go lekanelo go nna, gobane o rata go tsoma. Kgaetšedi Brown o mo reketše šotekane ye mpsha ya morethaoitiriša ya Browning. Ke mmotšišitše ge eba o be a sa na le yona. O rile, “Ee.” Ke ya go mo fetolela go raborolo, le lengwe la matšatši a, go ya kgole go tloga go selo sela sa kgale sa go phantsha.

¹⁶⁴ Bjale hlokamelang. Eupša go tsomeng, ke be ke fela ke eya godimo ka dithokgweng tša leboa go tsoma tshepe, godimodimo, New Hampshire le Maine, gomme ke legae la tshepe ya

moselamošweu. Gomme ke bile le modirišani godimo fale, ke tsomile le yena. Gomme o be a le motsomi yo mokaone, e ka ba Moindia wa kotara ya madi. Gomme o be o se wa swanela go tshwenyega ka yena; ga o ye go mo loba, o tseba mo o yago. Gomme o be a le motsomi yo mokaone. Re tla arogana, le mafelo re tla kopanago go kgabaganya tšona dithaba tše tšhweu le dikgwa tše kgolo, eupša re tla hwetšana seng. Gomme re be re se basepedi ba mehlala; re tsomile. Ke ratile go tsoma le Bert.

¹⁶⁵ O be a le motsomi wa makgethe, eupša o be a le monna wa sweleswele kudu nkilego ka mmona. Monna yola o bile le pelo ka go yena boka letlapa. O be a le sehlogo. O be a ne mahlo a lebega boka mokgaritswane, gomme o—o—o be a no ba swele, gabonolo go no ba swele. Gomme o be a rata go thunya mabotlana, yeo ke tshepe ye nnyane ya lesea, go no ntira ke ikwele gampe. O be a tla bolaya mabotlana a mannyane a, gomme ke be ke tla re, “Bert, a ga o lewe ke hlong go dira seo?”

¹⁶⁶ Gomme o be a tla re, “Yeo e no ba tsela ka lena bareri, le pelwana ya kgogo kudu.”

Ke rile, “Bert, yeo ga se pelwana ya kgogo. Seo ke go ba sehlogo.”

¹⁶⁷ Bjale, go lokile, bo—bo—bo bong bja tshepe goba saese. Ge molao o re o ka kgona go bolaya lebotlana, eya pele le go le bolaya. Gabotse, Abraham o bolaile namane gomme a fepa Modimo. Go be go se selo sa phošo ka tshepe ya lesea.

¹⁶⁸ Eupša go no di bolaya le go di tlogela di robetše kua, go no ba le swele, yeo ke polao. Gomme ga ke rate seo, gomme ke be ke tla mmotša. Ke be ke tla re, “Bert, o mogwera wa ka, gomme ke a go rata, gomme o motsomi yo mokaone. O monna wa sethunya yo mokaone, wa go thunya gabotse, wa go thunya go bolaya.” Ke rile, “Ke a go rata, eupša—eupša o—o—o sehlogo.”

¹⁶⁹ Gomme o be a tla re, “Oo, Billy, ge o be o se moreri, o be o tla ba motsomi yo mokaone.”

¹⁷⁰ Gomme ke rile, “Theetša, Bert, o ka kgona go ba motho ka se.” Ke rile, “Yeo ke phošo.”

¹⁷¹ O rile, “Wena . . .” Ke be ke le mohlokemedi wa diphoofolo lebaka la mengwaga, le a tseba. Gomme o rile, “Wena, o dutše ka go bolotong bottelele kudu.”

Ke rile, “Aowa, ga se nke.”

¹⁷² Gomme kafao letšatši le lengwe ke ile godimo fale go ya go tsoma. E be e le thari gannyane mo sehleng. Ke be ke swere dikopano tsoko. Gomme lehlwa le be le šetše le tlide, e ka ba diintšhi tše tshela, lehlwa le lebotse la go lota mohlala. Gomme ke kopane le Bert, gomme o rile, “E re, Billy, ke go swaretše se sengwe se seswa.”

Gomme ke rile, “Eng?”

¹⁷³ O gogetše ntle ga hempe ya gagwe nakana ye nnyane, gomme o leditše nakana ye nnyane ye. Gomme e kwagetše boka lesea le lennyane la tshepe le bitša mmago lona, le a tseba, feela lebotlana le lennyane, mollo o monnyane ola a o fago.

¹⁷⁴ Gomme ke rile, “Bert, ga o re go mpotša gore o tla—o tla dira seo?”

O rile, “Oo, etla kgauuswi le wenamong, moreri.”

¹⁷⁵ Kafao letšatši la go latela re ile go tsoma. Gomme ka mehla re tsea sangwetše, gomme—gomme re tsea lebotlelo le lennyane la—la tšokolete ya go fiša, gobane e ne swikiri ka go yona, le a tseba, le go re boloka re huthumetše. Ya, go ba go tonya gampe godimo fale, go bapa nako yela ya ngwaga. Kafao re . . .

¹⁷⁶ Sehla se be se le ka gare. Gomme—gomme ge o thuntšha sehlophana sa dithunya, le bolela ka Houdini ka go ba rabokgabo wa go phonyokga, o be a le magogorwane ka thoko ga tšona ditshepe. Gobane, di be di tla ya kgole gonabjale, tša gogobelka ka tlase ga mekgobo ya matlakala goba e ka ba eng, gomme ka gona tša ja bošego ge ngwedi o be o phadima. Ka gona, ge di be di sa dire, di be di tla bolawa ke tlala, pele di be di ka tšwela ntle, ka gore di tsebile gore e be e le lehu go tšwela ntle kua. Gomme kafao sehla se be se le ka gare, batho ba be ba tsoma lebaka la dibeke tše mmalwa.

¹⁷⁷ Gomme re sepetše mosong wohle botelele, gomme ebile ga se re bone mohlala o tee. Go bapa e ka ba ka nako ya sekglela, o be a sepela pele ga ka. Re be re eya godimo ntlhoreng ya legaga, gomme morago ra arogana le go tla morago ditsela tše pedi tša go fapano, le go tla kampeng bošegong bjoo, mohlomongwe go tsena ka gare ka iri ya senyane, iri ya lesome. Ge re bolaile tshepe, re tla e lekeletša godimo, kafao bobedi bja rena re ya morago letšatši la go latela le go thusa go e tliša ka gare. Kafao re be re eya godimo, go arogana, gomme re be re se ra fihla go mothalo wa thimpa nako yeo.

¹⁷⁸ Gomme e ka ba ka masometharo go tšwa go lesometee goba iri ya lesomepedi, Bert o bile mokgwa wa go kobega. Lehlwa le be le eba botebo bjo bobotse, godimo kua thabeng. Gomme o ile ka mokgwa wa go kobega, gomme ke naganne o be a obeleditše morago . . . Ga se a bolele bontši kudu. Gomme o obeleditše morago kua, ke naganne o be a eya go tsea dijo tša gagwe tša mosegare; gomme ke ile go tsea dijo tša ka tša mosegare. Ke naganne, “Gabotse, re tla ja. Fa ke moo re aroganago, gomme o tla ya go dikologa ka tsela ye, gomme ke tla ya ka tsela ye nngwe.”

¹⁷⁹ Gomme o dutše fase. Go be go le molalana gannyane, e ka ba bogolo gabedi bja moago wo, feela wo monnyane, se re se bitšago, seka phaka ye nnyane ya bjang. Ga se ka ke ka bona mohlala mosong ohle. Gomme o dutše fase kua thoko ga wo, ka tlase, kgauuswi le mehlare tsoko, mohuta wa panka ye nnyane ya

lehlwa; o obeleditše fase ka mokgwa *wo*, go swana le ge a be a eya go tsea la lebotlelo la gagwe—la gagwe la flaseke goba sangwetše ya gagwe, a thoma go e gogela ntle. Gomme ke obeleditše ya ka. Gomme o gogetše nakana ye nnyane ye ntle. Gomme o lebeletše godimo go nna, ka wona mahlo a mokgaritswane.

¹⁸⁰ Gomme o leditše nakana ye. Gomme ge a leditše nakana ye, ka kgonthe o kgonne go e dira e šome, e kwagetše feela boka lebotlana le lennyane. Gomme ge a dirile, go makaleng ga ka, thwi go kgabaganya molalana wola, tshepe ye kgolo ya mme e emeletše. Yeo ke tshepetshadi, tshadi; phoofolo ye botse, mahlo a magolo a matsothwa, gomme tšona ditsebe di nyaretše godimo. Gomme o lebeletše godimo go nna, ka mokgwa *woo*, le mohuta wa motšinyo wola wa bosawana. A lebelela godimo go nna ka mokgwa *woo*, a bea nakana ya gagwe morago. Ka gopola, “Bert, o ka se dire seo.”

¹⁸¹ O rile, “Šš.” Gomme ke bone . . . O e leditše gape, gannnyane ka kgonthe, bohwefo.

¹⁸² Gomme, bjale, seo ga se se tlwaelege go tshepe yela. Nako yela ya letšatši, iri ya lesometee mo letšatšing, ya tšwela ntle? Aowa. E be e le eng? Lesea la gagwe le be le bothateng. O phagametše godimo. Ke mo šeditše, ka morago ga sethokgwae se.

¹⁸³ Gomme o e leditše gape. O dirile dikgato tše pedi goba tše tharo go ya pele, a etla thwi ntle ka molaleng.

¹⁸⁴ Seo ka go felela ga se se tlwaelege. Ee, mohlomphegi, o be a ka se dire seo. Aowa, mohlomphegi. Eupša e be e le eng? Lesea la gagwe le be le bothateng.

¹⁸⁵ Gomme o sepeletše dikgato di se kae kgojana, tšona ditsebe tše kgolo, o retologetše ka mathoko. Gomme Bert wa kgale o lebeletše godimo go nna. Gomme ke naganne, “Uh-oo.” Ke mmone a bea šele godimo ka molomong wola wa sa masometharo tshela, gomme a theošetše lelengwana fase.

¹⁸⁶ A phagamela godimo, gomme moriri wola wa sefapano wa sekoupo o tla thwi go kgabaganya pelo ya gagwe. Gomme ge a phagamišitše sethunya sa gagwe, tshephe e bone motsomi. A retologa.

Gomme o leditše nakana yela gape.

¹⁸⁷ Le a tseba, ka tlwaelo tshepe yela e be e tla be e ile. Eupša e sego yena. Gobaneng? O be a le mme. O be a sa itiriše se sengwe. Ka gare ga gagwe, o be a tswetšwe a le mme. Lesea la gagwe le be le bothateng. Le ge a tsebile e tla tšea bophelo bja gagwe, o be a sa tshwenyege. O be a le mme. O be a sa itiriše ka mokgwa wo mongwe wa tiro. E be e le bja mmapale, bophelo bja gagwe. O be a le mme.

¹⁸⁸ Gomme ke bone motsomi a goga raborolo ya gagwe; gomme o be a ne maleba. Gomme ke retolotše hlogo ya ka. Ga se ke kgone go e lebelela. Ke naganne, “Monna yola wa pelo ye

šoro a ka kgona bjang go šwalalanya pelo go phuleletša pelo yela ye bohlokwa ya go botega e rethethago bakeng sa lesea la gagwe? A ka kgona bjang go butšwetša pelo ya gagwe go tšwa go yena?” Gomme ke tsebile gore kolo yela ye kgolo ya lekgolo le masomeseswai ya mašerumo e tla swiela pelo ya yona thwi go mo kgabola, bokgole bjoo. Ke naganne, “A ka kgona bjang go e dira?” Gomme ke retolotše mokokotlo wa ka, go thibela go o lebelela.

¹⁸⁹ Gomme ke thomile go rapela. Ke rile, “Tate wa Legodimong, monna yola a ka ba sehlogo bjang? Mme yo bohlokwa yola, a ka se kgone go thuša seo. Ga a bee godimo pontšho. Ke wa mmapale. Gomme ke—gomme ke mme, gomme o biditšwe, go leka go hwetša lesea la gagwe. Le ge go tšea bophelo, lesea la gagwe le bothateng.” Gomme ke be ke rapela, go nnamong, ke theeditše nako e ka ba efe go kwa mollo wola wa hamola, o ewa, gomme sethunya sela se thunya. Gomme ke be ke nno ema fale ke itshwere nnamong ka mokgwa *wo*, ke rapela.

¹⁹⁰ Ke letile, ke letile. Sethunya ga se sa thunya. Ke letile nakwana feela. Gomme ke retologile go dikologa go lebelela, gomme o be a eya ka mokgwa *wo*. O be a sa kgone go swara sethunya go iketla. Ke lebeletše go dikologa go yena.

¹⁹¹ O lebeletše godimo go nna. Tebego ya gagwe e be e fetogile. Wona mahlo a mokgaditswane a rothetše go se sengwe gape. Megokgo e be e rotha marameng a gagwe. O ile a lahlela sethunya mobung. O rile, “Billy, ke lapišitšwe ke sona. Ntlhahlele go Jesu yola o bolelago ka yena.”

¹⁹² Fale mo lešing la lehlwa, morago ga sekgaleta sela, ke hlahletše monna yola wa pelo ye šoro go Jesu Kriste. Gobaneng? Ka gobane o bone se sengwe sa kgonthe, se sengwe seo e bego e se sa maitirišo, se sengwe seo e bego e le sa mmapale.

¹⁹³ Oo, lefase le la go swarwa ke tlala le lebeletše se sengwe sa kgonthe, se sengwe seo e sega sa maitirišo, se sengwe seo e lego sa mmapale, seo se tswetšwego ke Modimo, seo se tšwago go Beibele. A o ka se ke, morago ga sekgaleta se, mme, ngwanešu; a o ka se ke, Mokriste, wa rata go ba le Jesu Kriste bjalo ka pelong ya gago, bontši bja Moya wa Modimo ka pelong ya gago, woo o tla go gapago go dira dilo tša go botega bjalo ka ge tshepe yela e dirile lesea la yona? A o ka se rate go ba Mokriste wa mohuta woo? A o ka rata go ba le mohuta wola wa pholosho woo o tla... wena... lehu goba ga go selo gape, gomme feela le—le lerato la Modimo ka pelong ya gago, boka a bile le lerato la lesea la gagwe?

¹⁹⁴ Bjale tsela e nnoši e ka bago. O ka se kgone go e dira ka go tšoena kereke. O ka se kgone go e dira ka go bea leina la gago godimo ga puku. E swanetše go ba nnete. E swanetše go ba ya mmapale. E swanetše go ba tswalo. E swanetše go go fetola, go tšwa feela go tumelo ya maitirelo, go ya go Mokriste wa mmapale.

¹⁹⁵ O rile, “A o nagana lerato le ka kgona go ba le legolo bjalo? A o nagana A ka kgona go nthata?”

¹⁹⁶ O rile, “Mme a ka no lebala lesea la gagwe la go anywa, eupša Nka se tsoge ka go lebala. Maina a lena a tlokilwe ka legoswing la diatla tša Ka.”

¹⁹⁷ Modimo o tlie lefaseng, ka sebopego sa Monna, gomme—gomme—gomme a itatolla ka Boyena, a ngangološa tente ya Gagwe; go tloga go beng Jehofa Modimo, go ba Motho, go emela dihlong le thogako. Jehofa Modimo yo monnyane ka legopong, ka tlase ga mokgobo wa manyora, tlase kua a lla ka legopong; Modimo, Mohlodi wa Magodimo le lefase, a eme fale ka nameng ya motho, go tšea lehu la dibe tša gago godimo ga Gagwemong, gore A go lokolle go ba Mokriste kudu go feta se tshepe yela e bego e le mme. O ka kgona bjang go gana lerato le le bjalo la go se bapetswe? Gona, ntle le fao, O ngwadile Lentšu la Gagwe. Leo le lekanetše. O ka se kgone go tšea lentšu la ka, o swanetše go . . . go tla loka, eupša e sego Yena. O rotogetše Godimo gomme a fa dimpho morago go motho. O tlie morago ka sebopego sa Moya wo Mokgethwa, Modimo wa go swana, go bula pelo ya gago, ka Madi a go boelanya.

¹⁹⁸ “Ebang kagona ba ba phethagetšeego, ebile boka Tataweno wa Legodimong a phethagetše.” Ga go yo motee wa rena a ka kgongago go ba seo. Ga ke lebelele se ke lego sona. Nna, ga ke na le maswanedi. Ga o na le maswanedi. Ke mang yo a nago le maswanedi? Ga ke lebelele se ke lego sona; ke lebelela go se A lego sona. Ke Yena yo a bego a lebeletše. Yena ke Sehlabelo sa ka. Ga ke na maswanedi go ema fa bjalo ka modiredi. Ge ke semile go lekanelia ga ka, ke tla—ke tla ba ka Heleng, le wena o tla dira bjalo. Eupša ga re lebelele go se re lego sona.

¹⁹⁹ O re, “Nka se kgone go dira seo. Nka se kgone go bitša. Nka se kgone go kgwatha kobo ya Modimo. Nka se kgone go dira se.”

²⁰⁰ Oo, le ka kgona! Lebelelang se se diregilego? O hwile, gore o kgone go e dira, gore o kgone go phološwa. Yeo ke ya mmapale. A o ka rata go ba ka mokgwa woo, le go rata go gopolwa ka thapelong? Phagamiša seatla sa gago, o re, “Ke tla dira, Ngwanešu Branham.”

A re inamišeng dihlogo tša rena.

²⁰¹ Ka dihlogo tša rena di inamišitše, etla ka bose, ka go kokobela bjale. Ga re na sekgoba fa bakeng sa pitšo ya aletara. Ebile ga go na aletara. Eupša Beibele e rile, “Ba bantsi ba ba go dumela, ba ile ba kolobetšwa.” Pitšo ya aletara, etla ka go letšatši la Methodist, ye e lokilego. Eupša mo nakong ya Morena wa rena le baapostola, ba “dumetše go Bophelo.” Le “phološitše ka tumelo, ka mogau.” Ge o se ne boitemogelo bjoo bosegong bjo, ngwanešu, kgaetšedi!

²⁰² Basadi, ge o se na mogau wa go lekanelia ka pelong ya gago, bosegong bjo, go tseba gore Beibele e ruta gore o swanetše go

tlogela go kota moriri wa gago, go apara dišothi le meikapo! Ge o se ne mogau wola wo montši ka pelong ya gago, bošegong bjo! Gomme o a tseba Beibele e ruta o swanetše. A ka se kgone go fetoga. O re, “Ga ke apare dišothi. Ke apara dileka.” Seo ke se sebesebe.

²⁰³ Modimo o rile, “Mosadi yo a tla aparago seaparo sa go swana le sa monna, ke makgapha go Modimo.”

²⁰⁴ Gomme wena monna yo a sa kgonego go emiša go getsola le go lebelela basadi ba apere bohlaswa, medingwana ya letšatši! Wena monna yo a se nago mogau wa go lekanelwa kgonthe ka pelong ya gago go dira mosadimogatša wa gago le digotlane go tlogela go dira selo se sebjalo ka seo, lerato la Modimo ga la kgwaparetšwa ka pelong ya gago; o se ke wa bitšwa morwa wa Modimo. O sa le ka Sodoma, monna yo a sa kgonego go thopa ntlo ya gagwe mong; Modimo o mmeile go dira.

²⁰⁵ Gomme lena matikone le nyetšego makga a mabedi goba a mararo! Gomme wena monna yo a kitimago ntle go basadibagatša ba lena, le go leka go swara boipolelo bja lena! Lena basadi le kgabagantšego tsela ye nngwe! Lena batho ba le iphihlago ka morago ga kobo ya kereke! Kerekeleina ya gago e ka se be le selo go dira le moisa yo a latelago, a a be Mokriste goba aowa; ge a se wa sehlopha sa gago, o ka se be le selo go dira le yena. Dihlong go wena!

²⁰⁶ A nke Modimo a pealatše kgonthe, bošegong bjo, go lena. A nke le tle go Yena, ka bobose bjale, gomme le re, “Morena, ntshwarele bakeng sa dibe tša ka. Go tloga bošegong bjo, go ya pele, ke tla Go hlankela.”

²⁰⁷ Lena ba le ratago lenaneo la thelebišene, gore le tla dula gae go bona naletšana tsoko ya mobi ya bohlaswa boka *Re Rata Sucy* goba eng sa tše dingwe dilo tše ba nago natšo, le dula gae ka Laboraro bošego go bogela thelebišene go na le go tla go kamora ya thapelo, lerato la Modimo le tlogile pelong ya gago. O dira seo, gomme go le bjalo o swere boleloko bja gago? Lerato la Modimo le tla go gapa go tloga go leo, le go go gapa go ya kerekeng ya gago, go wa gago—wa gago ngwanešu le kgaetsedi; go tla mmogo, go dula ka mafelong a Magodimong le go theetsa modiša wa lena a rera. Gomme tso—tso tsošeletšo, goba kampa, e a fela bjale. Ge seo se sa dutše ka pelong ya gago, a re rapeleng mmogo bjale gore Modimo o tla e tloša.

²⁰⁸ Morena Jesu, re tla ka boitsholo bja go kokobela, re tla ka dipelo tša go sokologa, Morena. Bohle re molato. Re arogile kgahlanong le Melao ya Gago. Re tshetše melao ya lerato la Gago yeo e re pholositsego. Kereke yonamong e ile go mantladima le mananeo a go aga, le mehuta yohle ya dilo; le go tlogela kopano ya thapelo le—le Moya wo Mokgethwa bakeng sa se sengwe gatee goba gabedi ka beke, ge go swanetše go ba ka dipelong tša rena le monaganong kgafetšakgafetša. Re swarele, Morena.

²⁰⁹ Lebalela badiredi ba rena, Morena, ba ba tla emago ka phuluphithing gomme ba lewa ke hlong go bega Ebangedi ya go tlala ya Kriste. Ka fao gore ba bantši ba bona lehono... Lefase ka moka le bile Sodoma. Badiredi ba bantši ba dutše ka go selete sa bona, bosegong bjo le gosasa, goba ka go ithuteng ga bona, ba leka go hwetša mantšu; le go kitima go kgabaganya Lentšu la Modimo, le go bona dibe, eupša ba boifa go bolela e ka ba eng ka yona, gobane ba tla kgaolwa. Poto ya matikone e tla ba le yona godimo, gomme ba tla retollelwa ka go motsemošate le go ntšhetšwa ntle, ge ba tseba ba swanetše go rera kgahlanong le sebe. Ke Loto, gape, "Dibe tša Sodoma di tlaišitše soulo ya gagwe ya go loka." Eupša monna ga a ne sebete. Go no swana le Loto, o be a se na le sebete go ema godimo.

²¹⁰ Ke a rapela, Modimo, O tla re lebalela bakeng sa dilo tše bjalo ka tše. A nke re be bjalo ka Paulo wa kgale, "Ga se ke tšabe go kwalakwatša go lena keletšo ka moka ya Modimo." Re swarele bohole, Tate.

²¹¹ Bjalo ka kanegelo ye nnyane ye, ya letšatši lela la go tonya la Nofemere, ka godimo ga thaba yela fale; ka fao monna yola, bosegong bjo, motikone ka kerekeng godimo kua, Mokriste wa go botega, gobane mme tshepe o tlide pele le go pealatša se sengwe sa kgonthe kudu. O rile, "Ge—ge ba ka homola, maswika a tla goeletša ntle."

²¹² Ke a rapela, Tate, gore O tla re fa se sengwe sa kgonthe kudu, bosegong bjo, se se tla gogelago šedi ya rena go Kriste, go re dira re tsebe gore O magareng ga rena, bosegong bjo.

²¹³ Diatla tša tshokologo di ile godimo, makgolo a bona. Ba swarele, Morena. Bjale ke a Go gopotša, Morena, ka Lengwalo le O rilego, "Ga go motho yo a ka kgonago go tla go Nna ntle le ge Tate wa Ka a mo goga pele." Ba ka kgona bjang go phagamiša diatla tša bona ntle le ge O ba gogile? Ge ba phagamiša diatla tša bona, ba roba molao wo mongwe le wo mongwe wa saense. Kgogedi ya lefase e swere diatla tša bona fase. Eupša go be go le moya ka go bona, le wa Moya ka bona, wo o rilego, "O phošo. Phagamišetša diatla tša gago godimo." Gomme se fentsē kgahlanong le melao ya kgogedi ya lefase, le go phagamišetša diatla tša bona go leba go Mohlodi, "Nkgaoge, Modimo."

²¹⁴ Gomme O rile, "Bohle Tate a Mphilego ba tla tla go Nna. Nka se ba rakele ntle le ka mokgwa ofe. Ke tla ba fa Bophelo bjo Bosafelego, le go ba tsošetša godimo ka letšatši la mafelelo." O rile, "Yo a kwago Mantšu a Ka gomme a dumela go Yena yoo a Nthomilego, o ne Bophelo bjo bosafelego, gomme a ka se tsoge a tla Kahlolong, eupša o šetše a fetile lehung go ya Bophelong."

²¹⁵ [Ga go selo go theipi—Mor.]... go Mmušo wa Modimo, go dira maloko a go botega a Mmele wa Kriste. Gomme dikereke tša bona, tša badiredi ba, di ke di gole le go gola ka maloko, a go tswalwa gape, ka Mmušong wa Modimo. Šegofatša baena ba

ka, gore mang kapa mang ba mo rapelelag a fole; Ebangedi ye ba e rerago, e se ke ya wela godimo ga wo mothata, mobu wa maswika, eupša godimo ga dipelo tše bonolo.

²¹⁶ E fe, Morena, gore Mmušo wa Modimo ka pela o tla hlongwa lefaseng. O tlela baemedi ba Gago. Letšatši le lengwe Kwana e ya go tlögela sekgethwa, go tla pele go tsea Puku go tšwa seatleng sa Gagwe Yo a lego Mong wa yona. Ge motho a obile molato, gomme Puku ya Bophelo e ile morago go Mong wa yona wa setlogo. Motho, bophelo bjohle bo be bo lahlegile; gomme go be go se motho, Legodimong goba lefaseng, yo a bego a ne maswanedi. Eupša kwa—kwa Kwana ya tla pele, Kwana ya Madi yeo e bego e hlabilwe go tloga motheong wa lefase, ye e tileygo gomme ya tsea Puku ya Topollo gomme ya E bula. Modimo, a nke leina la ka le be fao. A nke leina le lengwe le le lengwe mo le ngwalwe Kua, Morena, le le lopolotšwego ka go polane ye kgolo ye ya topollo. E fe, Tate.

²¹⁷ Gomme bjale re ba neela go Wena. Ke ba neela go Wena. Gomme ge go na le yo a itšego mo yo a sego a ke a kolobetšwa ka kolobetšo ya Bokriste, a nke ba tle pele, ka tiro ya tumelo, gomme ba ipolele gore ba phošong, gomme ba kolobetšwe Leineng la Jesu Kriste bakeng sa go tlošwa ga dibe tša bona, gomme ba tlatšwe ka Moya wo Mokgethwa. E fe, Tate.

²¹⁸ A O tla re kwa, Tate, ka thapelo ye, ge ka go kokobela re e neela go Wena, ka Leina, Leina la go lekanelo moka le Magodimo le lefase di bitšwago, Jesu Kriste. Amene.

Go na le Mothopo o tladitšwe ka Madi,
A ntšhitšwe go tšwa ditšikeng tša Imanuele,
Gomme badiradibe ba phonkgetše ka tlase ga
lefula,
Ba lahlegelwa ke patso yohle ya molato wa
bona.

Ba lahlegelwa ke patso yohle ya molato wa
bona,
Ba lahlegelwa ke patso yohle ya molato wa
bona;
Gomme badiradibe ba phonkgetše ka tlase ga
lefula,
Ba lahlegelwa ke patso yohle ya molato wa
bona.

²¹⁹ A ga le rate dikoša tšela tša kgale? Tšwelangpele. A ga di makatše? Di ngwadilwe ke Moya wo Mokgethwa. Ke no di rata. Ke nagana dipina tša mogobo di lokile, eupša ke rata dipina tše tša kgale tša Madi, dipina tša Tumelo. A re e opeleng, temana ye nngwe, ya fešene ya kgale, tsela ya naga, tsela ye re e opetšego morago godimo ga dithaba mengwaga ya go feta.

Lehodu le le hwago le hlaletše go bona (sebaka
sa Gagwe sa mafelelo.)
Mothopo woo ka letšatšing la gagwe;
Fao a nke le nna, le ge ke le mobe bjalo ka yena,
Ke hlatswiwe dibe tšohle tša ka.

²²⁰ A re tswaleleng mahlo a rena gomme ka bose re e opelele Kriste.

Lehodu le le hwago le hlaletše go bona
Mothopo wola ka letšatšing la gagwe;
Gomme fao a nke le nna, le ge ke le mobe bjalo
ka yena,
Ke hlatswe go tloša dibe tšohle tša ka.
Ke hlatswe go tloša dibe tšohle tša ka,
Ke hlatswe go tloša dibe tšohle tša ka;
Gomme fao a nke le nna, le ge ke le mobe bjalo
ka yena,
Ke hlatswe go tloša dibe tšohle tša ka.

²²¹ Oo, a ga e go dire o ikwele o gohlwa ka gare, go no ikwela bobose bja Bogona bja Modimo? “Bjale lena le barwa ba Modimo. Bjale re phagamišeditšwe godimo ka mafelong a Magodimong ka go Kriste Jesu,” ka maatlataolo ohle, Magodimo le lefase di re filego. A le kile la nagana ka seo?

Yo mongwe o re, “A o na le maatla a a itšego?”

“Aowa, eupša ke na le maatlataolo.”

²²² Go bjalo ka lephodisa le lennyane le eme ntle mo ka mokgotheng, moisa yo monnyane ka kefa e gogetšwe fase godimo ga ditsebe tša gagwe, o imela e ka ba diponto tše lekgolo, petše e hlomilwe godimo ga gagwe. Gomme mo go tla seholpha sa dikoloi go theoga tsela, di dira dimaele tše lekgolo ka iri; ye nngwe le ye nngwe ya tšona, makgolo a mane goba a mahlano maatlaper. O be a ka se kgone go emiša e tee ya tšona. Eupša a a swarele seatla sela godimo. Uh-huh. O na le maatlataolo. Seo ke se se dirago dipriki go tswinya. Ga se maatla a gagwe. Ke maatlataolo a gagwe.

²²³ Gomme re na le maatlataolo, ka Jesu Kriste. Ke ka baka leo bodiabolo ba goeletšago. Le a bona? E sego ka gobane re na le maatla, eupša re na le maatlataolo. Moya wo Mokgethwa o mo, maatlataolo a Modimo. “Mediro ye Ke e dirago, le tla e dira le lena.” “Jesu Kriste wa go swana maabane, lehono, le go ya go ile.” Ke a Mo dumela.

²²⁴ Bjale re dutše ka mafelong a Magodimong, ka Bogoneng bja Kriste, re phagamišeditšwe godimo ga matshwenyego a lefase, ka go sekao sa tumelo. Go ka kgona go direga eng fa bošegong bjo? Go ka ba le Pentecost ye nngwe. Go ka kgona go ba selo se sebjalo go direga thwi mo, bošegong bjo, go swana le ge go bile ka go Ditiro 2. Yeo ke nnete.

²²⁵ Kriste o mo. Ge re ka kgona go tloša bothata bja dipelo tša rena! A O na le rena? A ke therešo? A Kriste o ka magareng ga rena? O tshepišitše go ba. O tla Mo tseba bjang? E sego ka tsela ye A lebeletšego, eupša ka mediro ye A e dirilego. Seo ke se A se tshepišitše, gomme O rile O tla se dira.

²²⁶ Modimo, re thuše bošegong bjo, gore ge re tloga fa, thapelo ya ka ke... Gomme ke tla no e bolela ka mahlo a ka a bulegile, go lena batho. Ke a rapela gore le tla bona se sengwe sa kgonthe kudu, gore Modimo o tla dira se sengwe sa kgonthe kudu, bošegong bjo, go fihla le tla bolela go swana le bao ba bego ba etšwa Emause, ge le eya magaeng a lena, "A dipelo tša rena ga se tša swa ka gare ga rena?" Le a bona, ba be ba...

²²⁷ Jesu o be a bapotšwe, gomme a hwile, a bolokilwe, mabarebare a bile O be a tsogile gape, gomme O sepetsé le bona letšatši lohle gomme ga se ba Mo tseba. O sepetsé le batho ba bantši, ga se ba mo tsebe. Yoo ke Yena a bolokilego *yena* go efoga go ba le thulano yela e bego e etla godimo fa; seo ke se se fodišago lesea la *gago*; Kriste, gomme mohlomongwe ga se wa ke wa e lemoga.

²²⁸ Eupša bošego bjo bongwe O ba hweditše ka Emause, Kleopa le mogwera wa gagwe, gomme ba tswaletše mabati, nako yeo O dirile se sengwe feels ka tsela ye A se dirilego pele ga papolo ya Gagwe. Ba a tseba e be e le Yena, ka tsogong ya Gagwe. Ka pela ba ile go botša ba bangwe.

²²⁹ A nke A dire se sengwe bošegong bjo, boka A dirile pele ga papolo ya Gagwe, go rena; gore rena, ge re eya go tšwa Emause, gore re ke re botše ba bangwe, "Dipelo tša rena di swele ka gare ga rena." A nke re bone se sengwe sa kgonthe, e sego bontši kudu bja thuto tsoko ye mpsha goba se sengwe; eupša thuto, ye re e tsebago, e dirwa go bonagala ka maatla a Modimo.

²³⁰ Bošegong bja go feta ke biditše mothalo wa thapelo, go tlie godimo, mohumagadi wa go golofala le go ya pele, a fodišwa. Mabopaki! Go no ba magogorwane; re swanetše go no ba fa gannyane nthatana, e sego go lekanelo go go tseba. Ka fale ke kgonne go swara maikutlo a batho, ba re, "O bala monagano wa bona." Ke lekile go retollela mokokotlo wa ka go batho le go le bontšha e be e se go bala monagano.

²³¹ Bontši bja lena batala fa ka Arkansas le elelwang ge ke be ke fela ke swara seatla sa motho, ka fao A mpoditšego, "Go tla direga nako yeo, gore ge o ka hlokofala, o tla tseba sona sephiri sa pelo ya bona." Le elelwang seo, lena bohole? Le dilo tše A di dirilego, lefase go dikologa, mogohle!

²³² Le se lebale kgatišobaka ya *Life* bjale, kgwedi ya go feta. Go bona moo A boleletšegopele se se tla diregago, gomme fale go eme, dihlatse fa bošegong bjo bao ba bego ba le ka fale. Ebile le saense ga e tsebe selo ka yona. Ba makala gobaneng e ka ba; eupša ke yona.

²³³ Bjale, lebelelang, ke ya go tsea Lengwalo le leswa bošegong bjo. Beibele e boletše, gore, "Jesu Kriste ke Moprista yo Mogolo yo a kgonago go kgwathwa ke maikutlo a mefokolo ya rena." A yeo ke nnete, baena? Leo ke Lengwalo. Bjale, ge A le Moprista yo Mogolo yoo a kgonago go kgwathwa ke maikutlo a mabofokodi a rena, bjale ge o Mo kgwathile, O tla dira, ge A swana bjalo ka ge A bile, O tla dira bjalo ka ge A dirile nako yela. Gobane o ka se kgone . . . Yeo ke tsela e nnoši o ka tsogego wa Mo tseba, ke ka tiro ya Gagwe. Le a bona?

²³⁴ Moikaketši e ka ba mang a ka bea mabadi ka seatleng sa gagwe, le madi goba eng gape, eupša bophelo ke bjona bo se bolelago. Le a bona? Nka kcona go tsea mohlare gomme ka tlema matlakala go wona, ntle mo, a mohlare wa go fapano, eupša ke mohuta mang wa kenywa o e tšweleditšego? Le a bona?

²³⁵ Bjale, Bophelo bja Kriste bo phela ka go lena, gona ge Bophelo bjola bja mathomo bjoo bo tšwilego go lekala lela. . . Bjale Yena ga a na le diatla bjale eupša tsa gago le tsa ka. Yena ga a na le segalontšu eupša sa ka le sa gago. Le a bona, morara ga o enywe kenywa. Lekala le e enywa kenywa. Gomme ge lekala le le bego le rwele ka go lekala la pele le le tšweleko go morara wola wa morara, bjalo ka ge ke boletše, ba ngwadile Puku ya Ditiro ka morago ga yona. Ge o ka tsoge wa bea pele morara wo mongwe wa setlogo, o tla ngwala Puku ye nngwe ya Ditiro morago ga wona. E tla ba Moya wa go swana, gobane ke Bophelo bja go swana ka go morara ka moka. Lekala le lengwe le le lengwe le le enywago le tla ba Fao.

²³⁶ Bjale ke nyaka le hlokomele se sengwe, ge re dutše mo. Ke ba bakae ba lena ba dumelago gore Kriste o mo? Ke ba bakae ba lena ba babjago? Phagamišang diatla tsa lena. Ke ba bakae ba lena ba dumelago gore le na le tumelo go lekanelo, gore le tla kgwatha kobo ya Gagwe, O tla dira ka tsela ya go swana?

²³⁷ Ga ke ye go bitša mothalo wa thapelo. E no e bitša, e no e lesa e tšwe mo. Yeo ke tlhohlo ka nnete. Eupša le na le tumelo ye ntši, gomme ke a dumela gore Modimo o tla e hlompha.

²³⁸ Bjale ke ya go lebelela bokagodimo ga batheeletši, gomme ke nyaka go bona ge eba fao go yo mongwe yo ke mo tsebago ka batheeletšing. Ke tseba Ngwanešu Tracy Boutliere o dutše fale. Ngwanešu yo mo, ga ka tlwaelane le badiredi ba thwi go bapa mo. Modiredi yo motee morago ka morago kua yo ke mo tsebago. Ka ntle ga seo, godimo ga maatlataolo a Beibele ya ka, gomme E godimo ga pelo ya ka . . . Ga ke ene, ka gobane Beibele e boletše go se e dire; eupša ka Beibele ya ka godimo ga pelo ya ka, ga ke aketše. Ga ke bone motho yo motee gape yo ke mo tsebago, ka ntle ga Jim Maguire.

²³⁹ Gomme ge ke se na le nnete, yoo ke ngwanešu yo ke kopanego le yena ka tabarenekeleng letšatši le lengwe. Ke sa tšo kopana le yena. Ke lebetše leina la gagwe ke mang. Yena ke . . . o šoma ka

tabarenekeleng ka Jeffersonville. A yeo ke nnete? Bjale, yoo ke motho a nnoši ke mo tsebago, yoo ke kgonago go bona gore ke a mo tseba.

²⁴⁰ Bjale, ge Jesu a ka be a le fa, gomme le be le nyaka go fodišwa, gomme le be le ka Mo kgopela, “Morena, a O tla mphodiša?”

²⁴¹ Sese sona. Ge A be a eme fa a apere sutu ye yeo A mphilego, O be a ka se kgone go go fodiša. O šetše a e dirile. Le a bona, e fedile kua Khalibari. Gomme lefase ka moka le phološitšwe, lefase ka moka le lebaletšwe, se sengwe le se sengwe se diregile kua Khalibari. Le a bona, “O ile a gobatšwa ka baka la dikarogo tša rena, ka megogoma ya Gagwe re ile ra fodišwa,” lebaka le le fetilego. Le a bona?

²⁴² Bjale selo se nnoši o swanetšego go se dira. E ka se tsoge e go dirile botse ntle le ge o e dumela; e sego go ikwela yona. Jesu ga se a ke a re, “A o ikwetše yona?” O rile, “A o e dumetše?”

²⁴³ Ke bone batho ba bea seatla sa bona godimo, ba re, “Ikwele yona! Ikwele yona! Ikwele yona!” Ga se A ke a bolela seo.

O rile, “A o e dumetše?” Tumelo, le a bona.

²⁴⁴ Hlokamelang, bjale. Ge A le Moprista yo Mogolo yo a swanago, O tla swanelwa ke go dira ka tsela ye e swanago. Ga go kgathale O tla ntlotša gakaakang, O swanetše go le tlotša, le lena.

²⁴⁵ E re, ke bona monna yo ke mo tsebago. Go na le Mna. Way, monna yo a welego a hwa ka kerekeng letšatši le lengwe, yo Modimo o mo tlišitšego morago bophelong, o dutše thwi fale. Gomme modiredi a dutšego kgauswi le yena, yo ke mo tsebago, a dutšego thwi fao kgauswi le yena. Eupša go sego bjalo, yo... Ee, ke a dumela ke bona ngwanenešu yo, yo ke ngwanaboo yo ke kopanego le yena tlase kua le lapa la Blackwell lehono, ke rapela ka gae.

²⁴⁶ Eupša lena batho ba le Mo dumelago, le go dumela gore le ka kgona go Mo kgwatha, ke ya go le kgopela se sengwe. Bjale, ke nna ngwanabolena, feela mo—mo—mo monna, feela boka monnamogatša wa gago, goba ngwaneneno, goba modiša wa gago, feela monna. Gomme bjale, fao, ga se ntle ka go phapoši tsoko ya leswiswi, boka diabolo tsoko. Gomme, diabolo ga a dire seo, go le bjalo. A le kile la kwa diabolo a rera Ebangedi, a dira disoulo di phološwe le go fodišwa? “Ge Sathane a ka kgona go lelekela Sathane ntle, gona mmušo wa gagwe o arogane kgahlanong le yenamong,” Jesu o boletše. Aowa.

²⁴⁷ Eupša thwi fa, o a lebelela le go dumela gore Jesu o sa dutše a le Moprista yo Mogolo yola wa go swana yoo A bilego, gomme o re, “Morena Jesu, ke a babja. Goba, ke na le mme wa go babja o dutše mo, goba ngwanenešu ka legaeng. Morena, ga—ga—ga ke kgone go lefa molato wa ka. Nthuše. Ke tla—ke tla ipolela dibe tša ka tšohle. Ke—ke—ke nna modiradibe; ke—ke nyaka go loka

le Modimo." Sengwe se sengwe, Mo kgopele. Mo kgwathe, bjalo ka Moprista yo Mogolo, gomme o bone ge A sa dire lehono boka A dirile nako yela. Seo se bontšha O ne rena.

²⁴⁸ Bjale, ke a dumela O tla e dira. Ga ke...Ga se nke A mpaalediša, ka go mengwaga ye yohle. Ke—ke a Mo dumela. Eupša le ka kgonà go kwešiša se tlhohlo e lego sona. Eupša ga se...

Yo mongwe o rile, "A ga o boife?" Aowa, mohlomphegi.

²⁴⁹ Nka boifa bjang, gomme Yena thwi fa hleng le nna? Yena, ke Lentšu la Gagwe; ga se la ka. Ke no bolela se A se boletšego, bjoo ke boipolelo bja ka. Go *ipolela* go ra "go bolela selo sa go swana." Lengwalo, e lego Modimo, Modimo ka sebopego sa leletere. "Lentšu le dirilwe nama le go dula magareng ga rena." Gomme Lentšu le sa le Modimo. Gomme Lentšu le rile, "O a swana maabane, lehono, le go ya go ile." Go tšwa go Yena go Le tiišetša. Go bohlokwa go nna go Le dumela. Bjale le a Le dumela.

²⁵⁰ Bjale ke nyaka yo mongwe le yo mongwe wa lena gona, ka setu, ka setu, go neela thapelo go Modimo, le go re, "Morena Modimo, nthuše. Ke a tseba monna yola yo monnyane wa kgale wa magetla a go kobega a emego godimo fale ga a tsebe selo ka nna, eupša O a ntseba. Gomme ge O ka no dira, le go bušeletša Lengwalo bakeng sa ka bošegong bjo."

²⁵¹ Boka mosadi a kgwathile kobo ya Gagwe. Ka kgonthe o be a sa kwe kgwatho ya seatla, gobane, bjalo ka ge ke le boditše, kobo ya Mapalestina e tlemologile; seaparo sa ka tlase, bokoto. Dikobo tše kgolo tše boima, ga se A e kwa. Gomme O rile, "Ke mang a Nkgwathilego?"

²⁵² Gomme Petro o Mo kgadile, a re, "Morena!" Gobaneng, o Mo tšere le go Mo kgalema bakeng sa yona. Ka mantšu a mangwe, "E kwagala bogafa go Wena go e bolela. Yo mongwe le yo mongwe o na le matsogo a bona go Go dikologa, ba Go phaphatha ka magetleng. 'Ke mang yo a Nkgwathilego?'"

²⁵³ O rile, "Eupša bokwala bo tlogile go Nna. Yo mongwe o Nkgwathile ka kgwatho ya go fapanà."

A o ka kgonà go dira kgwatho yeo bošegong bjo?

²⁵⁴ Ke neela bonna. Bjale elelwang, ke semumu moka go dilo tše, ka ntle ga Mmušo wa Modimo. Go no swana le segodišantšu se. Segodišantšu se ga se kgone go bolela; se kgona feela go bolela ge se sengwe se bolela ka sona. Gomme re no ba boka segodišantšu sela, go se. Ga ke go tsebe, eupša go tšea se sengwe go bolela go kgabola fa.

²⁵⁵ Gomme o a e dumela, le go ba le tumelo ka go Modimo, gomme Modimo o tla e fa. A le a e dumela? Bjale e nong go dumela. Eba le tumelo, gomme o se belaele. Dumela go Morena Modimo. Bjale e nong go rapela, ebang tlhomphokgolo ka kgonthe, gomme le no bona.

²⁵⁶ Bjale, Tate wa Legodimong, ke be ke bolela botelele. Go na le batho ba dutše mo ba ba lego batho ba go tlemelwa Bokagosafelego, yo mongwe le yo mongwe wa rena. Dihlogo tša rena di inamišeditšwe leroleng, moo O re tšerego go tšwa gona; gomme ge O diega, re tla boela leroleng lela. Meoya ye le disoulo tšeo di lego ka go rena, di swanetše go boela go Wena bakeng sa Kahlolo.

²⁵⁷ Bjale, Tate wa Magodimong, re a rapela gore O tla hlompha Lentšu la Gago bosegong bjo. Ke boletše ka Wena, bjale bolela gore ke boletše Therešo, Morena. Ke nna mohlanka wa Gago. Ke neela bona go Wena. Gomme ge go na le yo mongwe ka mo, Morena, yo a nago le mohuta woo wa tumelo, yo a kgonnego go tliša pele ponagatšo ya Jesu Kriste; go laetsa gore leswao le A le tshepišitšego, leswao la mafelelo go kereke ya Bantle, le tla direga; kereke ya go kgethiwa, go swana le sehlopha sa Abraham, babiletšwantle. Re bona Billy Graham le banna bale tlase fale ka Sodoma, ba ba biletša ntle; eupša re elelwa yo Motee yo a go šala le Abraham o ba fa leswao le lengwe, gore morwa yo a tlagoo be a le kgauswi. Morena, a re boneng leswao lela, bosegong bjo, bjalo ka ge Monna a bile le mokokotlo wa Gagwe o furaletše tente, gomme o rile, “Gobaneng Sarah a segile?” Jesu o rile e tla boeletša gape, feela pele ga go tla ga Morwa wa motho; Modimo a bonagadišwe nameng, ka nameng ya motho, ka maatla a Moya wo Mokgethwa le Madi a Jesu Kriste. E fe, Morena. Ke gafela ye, nnamong, go Wena bakeng sa tirelo ya Gago. Bolela, Morena. Bahlanka ba gago ba theeeditše.

²⁵⁸ Bjale, Leineng la Jesu Kriste wa Natsaretha, ke tšeela moya wo mongwe le wo mongwe ka mo ka tlase ga taolo ya ka, bakeng sa Mmušo wa Modimo, bakeng sa mediro ya Wona. [Yo mongwe o thoma go bolela ka maleme. Ga go selo lefelong la theipi—Mor.] . . . ? . . .

²⁵⁹ Bjale a nke Moya wo Mokgethwa o dire. Bjale a dilo tše ke di boletšego di gabotse, goba a ga di gabotse? A O dula a le Kriste? A O bolokile tshepišo ya Gagwe, ya, “Kae kapa kae ba babedi goba ba bararo ba kgobokanego mmogo, Ke tla ba magareng ga bona”? “Lebakana le lennyane, gomme lefase ntle mošola le ka se Mpone gape, efela lena le tla Mpona, gobane Nna” (lešalaina) “ke tla ba le lena, le ka go lena. Mediro ye Ke e dirago, le tla e dira le lena; go feta ye, gobane Ke ya go Tate.” A ke therešo?

²⁶⁰ Ke bona Seetša sela se lekeletše godimo ga yo monnyane, mosetsana wa lekhalate fale. O a kaonafala. E nong go elelwa, o ya go fola. O tšwa kgole go tloga mo. O swanetše go dira sehlabelo go fihla mo bošego bjo bongwe le bjo bongwe, eupša se boife ka ngwana. O hweditše mogau le Modimo. O be a biditšwe, bošego bjo bongwe. E no dumela.

²⁶¹ Mo, a go na le yo mongwe yo a kilego a bona Seetša sela? Emiša seatla sa gago ge o kile. O bone senepe sa Sona. A ga

Le se bone? Lebelelang mo. Lebelelang mo. Seetša sela, mmala wa talamatala, se eme thwi mo. A ga le bone Seo? Se a sepela, thwi mo.

²⁶² Se godimo ga mosadi. O tlaišega ka bolwetši bja swikiri. O rapetše. O a dumela. Modimo, o se Se dumelele sa mo tlogela. O ya go Se foša, ka nnete... Mdi. Davis, dumela ka pelo ya gago yohle. Fao ke wena.

²⁶³ Ga se ka ke ka bona mosadi, ka bophelong bja ka. Diatla tša ka šedi pele ga Modimo. Mmotšišeng ge eba dilo tšela... A yeo ke therešo, mohumagadi? Šikinyang diatla tša gago, ka mokgwa wo, ge eba yeo ke therešo. Bjale o kgwathile Mang? E sego nna, o dijarata tše masomepedi go tloga go nna. Eupša o kgwathile Moprista yo Mogolo, Jesu Kriste. E no ba le tumelo. O se belaele. A o a dumela?

²⁶⁴ Fa, lebelelang fa gape, thwi fa. Mosadi tsoko o a rapela. O tlaišega ka bothata bja mogodu, se sengwe se fošagetše ka maoto a gagwe. O Modimo! Mdi. Cotton, dumela ka pelo ya gago yohle. Amogela phodišo ya gago, Jesu Kriste o a go thakgafatša.

²⁶⁵ Modimo Legodimong o a tseba ga se nke ka ke ka bona mosadi bophelong bja ka. O kgwathile eng? A yoo ga se Moprista yo Mogolo wa go swana? Gobaneng o gonona? Se belaele. Eba le tumelo go Modimo.

²⁶⁶ Yo mongwe morago ka go selete se. O a rapela. Dumela. Yena ke Modimo, gohlegohle.

²⁶⁷ Go na le mohumagadi o dutše mo o a rapela. Ga a ithapelele ka boyena. O rapelela morwa wa gagwe. O ne bothata bja mogodu. Ga a gona mo. O ka go seemo se sengwe. O tšwa toropongkgolo ye e bitšwago Pontiac, Michigan. Se boife. O be a na le teng ya alesa, go tšwa go seemo sa letšhogo. E mo tlogetše. Amene. Tumelo ya gago e Mo kgwathile.

²⁶⁸ Gore le ke le tsebe. Mo go dutše monna mo, yo a bapalago katara ye, e ka ba eng e lego mo, o tlaišega ka bothata bja mogodu, le yena. Diabolo o naganne o be a feditše ka seo, eupša ga se a ke. O fodile, mohlomphegi. Jesu Kriste o go dira o fole.

²⁶⁹ A o dumela ka pelo ya gago yohle? “Ge o ka kgona go dumela, dilo tšohle di a kgonega.”

A le a Le dumela?

²⁷⁰ Moisa yo monnyane mo a dutšego, a rapelela mosadimogatša wa gagwe, ka diatla tša gagwe godimo. O tlaišega ka seemo sa asma. Ge o dumela gore Modimo o tla mo fodiša, ngwanešu, o tla fodišwa. Amene.

²⁷¹ “Jesu Kriste wa go swana maabane, lehono, le go ya go ile.” Botšiša bona batho, ga se nke ka ke ka bona bophelong bja ka.

²⁷² Moragorago godimo mo go dutše mosadi yo mongwe. O na le sešo sefegeng. Oo, a nke a se e foše! Mdi. Patterson, amogela

phodišo ya gago. Ema ka maoto a gago, efa letago go Modimo. Go lokile. Ga se ka ke ka bona mosadi, ka bophelong bja ka; Modimo ka Legodimong o tseba seo.

²⁷³ Go reng godimo ga wona maako tlase kua? Go reng ka mosadi kua? Swara hlogo ya gago fase, mosadi. Fale go dutše mosadi o dutše fale, o godimo ga khote. A o ntumela go ba moprefeta wa Gagwe, mohlanka wa Gagwe? Go ne Seetša se lekeletše godimo ga mohumagadi yola. O tlaišega ka bothata bja pelo. Ge o robetše fao, o tla hwa. Phagamela godimo, Leineng la Jesu Kriste. Tšea malao a gago gomme o ye gae, gomme o tla fenza bothata bja gago bja pelo.

²⁷⁴ A le dumela Modimo? Ke ba bakae ba lena ba Mo dumelago? Theetšang, bagwera ba ka. Yo mogolo go Salomo o mo, Moprista yo Mogolo yo a kgonago go kgwathwa ke maikutlo a mafokolo ya rena. A le a Mo dumela? Ge woo e se modiro woo Jesu Kriste a inetefaditšeego Yenamong go ba Mesia ka ona! A ke seo Lengwalo le se bolelago? E reng, "Amene."

²⁷⁵ Gomme gale, wena, o lebane le go phuhlama ga megalatšhika. Tloga go yona. Tšhabisa bophelo bja gago. Kitima ka pela. Bea dilo tše di fetilego mo go fetilego, gomme lebelela go Modimo. Wena o modiredi wa Ebangedi. Wena, ke boletše le wena mosong wo. O be o sa tsebe gore e be e le eng, gomme ke be ke sa tsebe gore e be e le eng, eupša ke a e bona bjale. O tla go go phuhlama. Diabolo o bea se sengwe le se sengwe ka monaganong wa gago, go leka go go dira o hlanogele, ebile kgahlanong le nna. Yeo ke nnete. Seo ke O RIALO MORENA. E lebale. Mmotše gore ke moaketši. E amogelete thwi bjale, gomme yeo e tla go tlogela gomme e ka se tsoge ya bowa morago gape. O tla ba monna wa go lokologa.

²⁷⁶ Ke a go hlohla go dumela dilo tše! Monna o tla go nna mosong wo, a kgopela. Ke be ke sa tsebe, eupša ke a e bona. Thwi mo pele ga gagwe, lebelela moriti wo moso wola o no sepelela ka gare le ka ntle. Eupša bjale selo se mo tlogetše. Yeo ke nnete. Haleluya. "Jesu Kriste wa go swana maabane, lehono, le go ya go ile."

²⁷⁷ Ge Moya wo Mokgethwana o sa le mo, disakatuku šedi. A re rapeleng, ge le sa swere ka thapeleng.

²⁷⁸ Tate wa Legodimong, re rutilwe ka Beibeleng, gore ba ile ba tše go tšwa mmeleng wa Mokgethwana Paulo, disakatuku le dithethwana, meoya ya ditšhila e tšwetše ntle ga batho, gomme ba fodišitše. Gomme ge re sa lemoga ka Bogona bja Gago fa, re lemoga gore ga se rena Mokgethwana Paulo, eupša O sa le Jesu. Gomme e be e se yena, mathomong, e be e le Wena; tumelo ka go batho, ge ba mmone a profeta le go tseba gore Modimo o be a na le yena. Morena, Wena hlompha dithapelo tša batho gape lehono, ka mokgwa wa go swana.

²⁷⁹ Mongwadi yo motee o rile, "Ge Israele e be e le tseleng ya yona go ya nageng ya tshepišo, gore Lewatle le Lehubedu le

ba ripile go tloga, thwi ka tseleng ya mošomo, go ya nageng ya tshepišo. Gomme Modimo o lebeletše tlase go kgabola Pilara yela ya Mollo, ka mahlo a go befelwa; Lewatle le Lehubedu la tšhoga, la šuthela morago, gomme Israele ya ya pele go ya nageng ya tshepišo.”

²⁸⁰ Modimo, bošegong bjo, batho ba nyaka tshepišo yeo, “Ke tla dira ka godimo ga dilo tšohle gore o tla atlega ka go phelega go gobotse.” Gomme bolwetši bo ba ripile. A nke O lebelele tlase bošegong bjo go kgabola Madi a Jesu Kriste, gomme ge disakatuku tše di beilwe godimo ga balwetši, ka segopotšong sa tlotšo ye kgolo ye ya Moya wo Mokgethwa, wa Kriste a iponagatša Yenamong fa ntle le moriti wa pelaelo, Jesu wa go swana a re laetša gore O sa phela gomme o tsogile go tšwa bahung. A nke bolwetši bo tšhoge ge dika tše di bewa godimo ga balwetši, a nke a tšhabele morago le go šuthela kgole, gomme batho ba fodišwe, ka Leina la Jesu Kriste.

²⁸¹ Ka setu. Beibele e nepile. Gomme ge Jesu a rata go tla mo le go dira se se bonagatšwe kudu go lena, ka go phethagala kudu, ka godimo ga sekgao se itšego sa saekolotši, ka godimo ga sekgao se itšego sa maikutlo, mohlolo wo o phethagetšego! Mohlolo ke se sengwe seo se sa kgonego go hlalošwa. Ke kgona go bona moo motho a ka bago se—se sehlotša se sennyane mo leotong la gagwe, gomme a kgona go tabogela godimo, le ka tlase ga maikutlo. Nnete. Eupša ke mang a ka mmotsago se a se dirilego, le moo a tšwago gona, le se se diregilego, le se se tla bago? Gomme ke a le hlohla; ga se ya ke ya foša nako, ka go masome a dikete atiša ka dikete, go dikologa lefase. E sego . . .

²⁸² Re na le dikekiko tše ntši, ke tseba seo. Seo se swanetše go tla, dikekiko tša senama. Eupša seo ga se . . . Seo se no dira Selo sa kgontha go phadima bokaonana; seo se dira Jesu Kriste kgontha.

²⁸³ Šo Yena bošegong bjo! O magareng ga rena, Moya wo Mokgethwa wa go swana wo le o amogetšego, gomme O go dumelela go bolela ka maleme le go dira dilo tše o di dirilego. Moya wo Mokgethwa wola wa go swana o go fa leswao lela la Sodoma, go tšwela ka ntle ga mohuta woo wa dilo, iri ya go swa ga lefase le e batametše. Pomo e robetše mošola ka nomoro godimo ga yona. Tšhabelang go Kriste, ka pela.

²⁸⁴ Gape O rile, ka Mangwalong, mantšu a mafelelo ao a welego go tšwa go dipounama tša Gagwe, “Maswao a a tla latela bona bao ba dumelago. Ge ba Bea diatla go balwetši, ba tla welwa ke maruru.” A le dumela seo?

²⁸⁵ Ke ya go bona ge eba le a se dumela? Ke a makala ge eba re ka kgona go kitima wo mobotse, wa fešene ya kgale, mothalo wa lebelo wa Arkansas mo, motsotsa. A le tla e dumela? A le ka rata go bona seo, diatla di beilwe godimo ga lena? A le ka rata go ba le seo?

²⁸⁶ Ga ke tsebe re tla e buša bjang. Ke a belaela ge re ka e dira. A le a e belaela? A le nagana re ka kgona? [Ngwanešu Samuel Johnson o re, “Ke a dumela re ka kgona. Amene.”—Mor.] Ga ke tsebe re tla dira bjang. Eupša re ka leka, ge le ka ba tlhomphokgolo.

²⁸⁷ A nke bao ba lego ka kua... Eng? Karolo ka karolo. Go lokile, a nke bao ba lego ka morago kua, ba ba swerego dikarata tšela tša thapelo, ba gatela thwi ntle pele ka mothalong wola kua. Karolo ya le letona.

²⁸⁸ Bjale ke nyaka le tsebe, baena ba ka, dikgaetšedi, gore ga la swanela go letela moebangedi tsoko wa go ikgetha go tla kgauswi. Aowa, aowa. Modisha wa lena o na le sa go swana. Bjale, a—a—a ka no se kgone go—go ba le mpho yela ya seprofeto; yeo e tlago gatee mo molokong. Eupša, lebelelang, o na le ditokelo tše di swanago go le rapelela tšeō ke tla dirago. Tlhatho yela ga e go fodiše; e no go tliša feela go lemoga Modimo, gore o ka Bogoneng bja Modimo.

²⁸⁹ Eupša moebangedi o ya ka toropong, o dira thapelo yohle, kolobetšo yohle; gona batho, ge a tloga, modisha o... Gabotse, batho ba nagana modisha wa bona ga se selo. Modisha wa lena ke monna wa Modimo. O go etile pele o bolokegile bokgole bjo; a ka kgona go go tšeā go ya pele. Ke monna yo a lailwego ke Modimo.

²⁹⁰ Gomme ke nyaka lena, yo mongwe le yo mongwe wa lena, ge o etla go kgabola mothalo wo wa thapelo gomme o sa dumele se, dula ka ntle ga wona; o tla befa kudu. Eupša ge ka kgontha o ka e dumela, ge o feta ka tlase ga diatla tše di tloditšwego tša Modimo, Ke nyaka le ye gae le pake maatla a Modimo; tlogang go tšwa fa, le goelela le go tumiša Modimo, gore go fedile. Ke nyaka le e dire.

²⁹¹ Ke nyaka badiša ba go nthuša. Oo, Ngwanešu Moore, le Ngwanešu Hooper, le bontši bja banešu ba fa bao ke ba tsebago, le sehlopha se sekao se sa badiša mo, e nong go ema gomme le ntireleng mothalo wo monnyane thwi go bapela mo.

²⁹² Ye ke tsela ye re e dirilego. Ga se ka dira ye lebaka la mengwaga. Eupša ge Moya wo Mokgethwa o sa le godimo ga ka (ke sa tšo bona se sengwe se direga feela bjale.), ge A sa le fa, gomme ge ke sa kgona, gomme ge... Ba na le tlotšo ya go swana le maatlataolo a go swana. Yeo ke phetho. Re ya go bea diatla godimo ga balwetši. Gomme Beibele e rile, “Ba bea diatla godimo ga balwetši, ba tla welwa ke maruru.” Beibele e boletše bjalo. Leo ke Lentšu la Modimo. Etlang ntle fa, baena, etlang ntle fa gomme le hlome mothalo thwi go bapa fa. Ke ya go ema le banešu ba.

²⁹³ Bjale, ge le tšwela ntle, lena batho ka lefelong le, ge le eya ka ntle, eyang thwi ntle go dikologa moago, etlang thwi morago ka gare gape. Gomme bjale ke ya go kgopela yo mongwe go ema fa, mohlomongwe ngwanešu yola yo monnyane fa, yo monnyane...

Etla mo, gomme o hlahloba methaladi ye, ge o ka rata, goba ngwanešu yo mongwe a ka kgonago go ema mo gomme a ba bitša ka dikarolo.

²⁹⁴ A nke badiredi bjale, badiredi, bahlanka ba ba tloditšwego ba Jesu Kriste, ba no ema thwi go bapa fa.

²⁹⁵ Ke na le banešu ba mmalwa mo ba ba tšwago Jeffersonville, ba bangwe ba badirišani ba ka go tšwa go dikereke kgaetšedi tše nnyane go tšwa Tabarenekeleng. Ngwanešu Don Ruddell, katlego ye kgolo go rapeleleng balwetši. Don, a o mo? Ngwanešu Junior Jackson, moreri wa Methodist ke sa tšwago go mo kolobetša Leineng la Jesu Kriste. O amogetše Moya wo Mokgethwa. Yo mongwe yo e be e le modiredi wa kereke ya Modimo. Ke nyaka lena baena le rapelelago balwetši, go dikologa Tabarenekel, etlang, emang ka mothalong wo le banešu ba.

²⁹⁶ Seo se lokile, a ga se sona, ngwanešu? Seo se lokile, a ga se sona? Kgonthe. [Baena ba re, “Kgonthe!”] Ya. Go lokile, etlang, emang tikologong.

²⁹⁷ Ngwanešu Willard Collins o kae? Modiredi yo mongwe, modiredi wa Methodist, o sa tšwa go amogela Moya wo Mokgethwa, gomme a kolobetšwa. Ke tla rata gore yena a tle.

²⁹⁸ Mošemane wa gagwe yo monnyane, letšatši le lengwe, o be a ehwa ka—ka letadi la marapo, gomme ngaka o rile ebile o se mo dumelele go phagamišetša hlogo ya gagwe godimo go lekanela go bea tšhupu ka molomong wa gagwe. Ke tswa Tucson, go rera *Mahuto A Šupago*. Gomme ge a dirile, o ile a topa lesea lela go tšwa malaong gomme a le tliša godimo kua. Gomme go se fete go tsena ka gare, gomme Moya wo Mokgethwa o rile, “O RIALO MORENA. Tšeela lesea gae, o fodile. O tla bapala le mošemane wa ka yo monnyane.” Ngwanešu šo o eme thwi mo bjale. Mosadimogatša wa gagwe o ka mo.

²⁹⁹ Ke a thanka Mike o dutše mo, ka boyena. Thwi. O go kae, Mikey, o go kae? Gomme dingaka . . . Šole yena; sephiri. Ngaka o rile tliša . . . Maatlataolo a go phelega a kitimišeditše ngwana yola ka gare. Ngaka o ile gomme a mo hlahllofa; a ngwaya hlogo ya gagwe, a re, “Fao ga go le thorwana e tee ya yona ka go yena.”

³⁰⁰ Ke eng? Jesu Kriste wa go swana maabane, lehono, le go ya go ile!

³⁰¹ Bagwera, lebaka le ke biditšego monna ba. Ke badiredi. Ke badiša. Ke monna yo a bileditšwego go rapelela balwetši, go swana le ge ke le goba monna e ka ba mang yo mongwe. Gomme ke nyaka le tsebe gore modiša wa lena o na le maatlataolo go dira se. Ga wa swanelia go letela Oral Roberts, goba Jack Jones, goba nna, goba yo mongwe gape. Jesu Kriste ke motlalagohle; le a Mo dumela. Modiša wa lena o bileditšwe go dira seo. Ge o se wa ke wa kolobetšwa; ka morago ga kopano ye, botšiša modiša wa gago, lokiša le Modimo. Ge o se wa amogela Moya wo Mokgethwa; eya kerekeng ya gagwe, o tla go laela o dire eng.

³⁰² Bjale ge le feta go kgabola, rapelang. Gomme ke nyaka motho yo mongwe le yo mongwe ka fa, motho ka motho yo mongwe le yo mongwe, ke nyaka le rapele. Ke nyaka le no matšha go kgabola mothalo. Ke ya go ema thwi mo le sehlopha se sa monna, go bea diatla godimo ga batho ba. Modiša yo o ya go ema mo le go bitša methalo. Gomme ge le feta kgauswi, gomme diatla tše di tloditšwego tše... ke ya go le rapelela bjale, gomme ba ya go le rapelela.

³⁰³ Gomme ge ba bea diatla tša bona godimo ga gago, elelwa, ke, o nno fodišwa bjalo ka ge o tla phološwa. Beibele, E rile, "Sokologang, gomme le kolobetšweng Leineng la Jesu Kriste bakeng sa tebalelo ya sebe, gomme le tla amogela neo ya Moya wo Mokgethwa." Yeo ke tshepišo ya Modimo. O tla e dira ge o e dumela. Eupša ge o sa e dumele, e ka se šome. Gomme O rile, "Maswao a a tla latela bona bao ba dumelago ge ba bea diatla tša bona godimo ga balwetši, ba tla welwa ke maruru." E dirilwe, ge ba bea diatla tša bona godimo ga gago, ge o e dumela.

³⁰⁴ A le a e dumela? A le a dumela, bošegong bjo, gore le bone feela kgonthe kudu bjalo ka ge tshepe yela ya mme e kgonne go tšweletša, go bona Jesu Kriste a iponagatša Ŷenamong magareng ga rena? Ge le dumela O mo, e reng, "Amene." [Phuthego e re, "Amene."—Mor.] Gona, šo Yena.

³⁰⁵ A re inamišeng dihlogo tša rena bjale. Bjale thapelo ya ka še bakeng sa lena, ka pelo ya ka yohle:

³⁰⁶ Tate wa Legodimong, ke a Go rata. Wena o Bophelo bja ka. Wena o dikholofelo tša ka, Modimo wa ka, Kgoši ya ka, Mofodiši wa ka, Mohlokomedi wa ka. E sego seo feela, eupša ke hlagiša maikutlo a Mokriste yo mongwe le yo mongwe a dumelago ka fa, seo ke se O lego.

³⁰⁷ Mo go eme monna, ba bangwe ba bona ba eme mo ka bobona, ba a babja. Ke a tseba ke bona. Ke bone Moya wa Gago o lekeletše godimo ga bona, dinakwana di se kae tša go feta. Go ba tsebeng badiredi ba go babja, eupša pelo ya bona e ya bakeng sa phuthego ya bona, batho; ba lahlegelwa ke lefelo la bona beng, go ema fa ka go mothalo wa thapelo, go rapelela dinku tša bona. Modimo, šegofatša monna yola, šegofatša yo mongwe le yo mongwe wa bona.

³⁰⁸ Ge re eme fa bjalo ka moemedi wa Gago, bošegong bjo, wa Therešo ye, Therešo ya Beibele, a nke yo mongwe le yo mongwe wa banna ba a tlotšwe kudu, gomme Moya wo Mokgethwa o tla... Ge ba bea diatla tša bona godimo ga batho, gore go be le tumelo ye bjalo e rathe motho yola go fihla ba tla amogela mpho sefiwa ke Modimo ya phodišo yeo O ba tshepišitšego, Morena. Gomme a nke yo mongwe le yo mongwe a tle go kgabola, a tšhatšišitšwego ka tetelo kudu, gore ba tla tseba gore ba feta ka tlase ga moriti wa sefapano, moo Madi a Jesu Kriste a boelanyago bakeng sa boipolelo bja bona, le Bogona bja Gagwe bjo bogolo

bja go hlomphega fa le rena bjale, bjoo bo netefatšago gore Yena ga se a hwa, O tsogile go tšwa bahung, le go phela magareng ga rena. Gona dipelo tša rena di tla swa ge re eya magaeng a rena a go fapana, bošegong bjo, ba re, "A dipelo tša rena ga se tša swa ka gare ga rena, ge A be a bolela le rena mmogo tseleng?" Ke a kgopela gore Maatla a Gago a tla fa tumelo ye bjalo mo metsotsong e se mekae ye e latelago, go batho ba ba babbjago, gore go se be le motho wa sekokana magareng ga rena.

³⁰⁹ Ke hlohla diabolo yo mongwe le yo mongwe yo a nago le batho ba ba tlemilwe, godimo ga maatlataolo a Lentšu la Modimo, le Bogona bja Jesu Kriste Yo a tšholotšego Madi a Gagwe, go dira Lentšu le lengwe le le lengwe kgonthe go motho yo mongwe le yo mongwe yoo a tla dumelago. Sathane, o fentšwe, nako ya gago e batametše, tlogela batho ba, Leineng la Jesu Kriste. Tšwelang ntle go tšwa go bona! Re sepediša tiro ya Modimo, ka go bea diatla godimo ga balwetši, gomme ba tla welwa ke maruru.

³¹⁰ Samuel, opela *Dumela Feela*. Thoma mothalo wa thapelo. Yo mongwe le yo mongwe ka thapelong bjale. Yo mongwe le yo mongwe, thapelo. [Mothalo wa thapelo o tšea bakeng sa metsotsotye 11, mantšu a Ngwanešu Branham ga a kwiegale. Ga go selo go theipi—Mor.]

Dipelo tša rena ka lerato la Bokriste;
Kopanelo ya monagano wa leloko
E swana le yela ya Godimo.

Ge re arogana,
E re fa bohloko bja ka gare;
Eupša re sa no ba re tlemagane ka pelong,
Le go holofela go kopana gape.

³¹¹ Tate wa Legodimong, Leineng la Morena Jesu, a nke ba, ba ba kgomana le diatla tša yo mongwe le yo mongwe, banešu ba go direla, gore Lentšu la Modimo. Efa gore bokwala bjo bo tsošeditšego Kriste godimo go tšwa bahung, gomme bo Mmeilego le rena lebaka la mengwaga ye ye dikete tše pedi, a nke bo tleme... [Ga go selo go theipi—Mor]... disoulo bakeng sa Bokagosafelego, gomme a nke Bo fodiše malwetši magareng ga rena. Gomme a nke Leina la Jesu Kriste...?... Disakatuku tše le diphasela tše, a nke maatla a Modimo a dule go tšona, ka Leina la Jesu Kriste. Amene.

³¹² Bjale a nke phuthego ka moka, ye e dumelago ka pelo ya gago yohle, gore Jesu Kriste o, o tla boloka Lentšu la Gagwe... Ge A bolokile Lentšu la Gagwe lebaka la mengwaga ye dikete tše pedi, gomme a boletše se se tla direga mo nakong ya bofelo, gomme ſefa se diregile, O tla boloka Lentšu la Gagwe le le rilego, "Ge ba bea diatla tša bona godimo ga balwetši, ba tla welwa ke maruru." A le a le dumela? A le a le amogela? Gona a re phagamišeng diatla tša rena mmogo gomme re fe Modimo tumišo...?... 

Yo MOGOLWANE GO SALOMO O FA NST63-0628E
(A Greater Than Solomon Is Here)

Molaetša wo ka Ngwanešu William Marrion Branham, setlogong o abilwe ka Seisimane ka Labohlano mantšiboa, June 28, 1963, Associated Brotherhood Of Christians Campground ka Hot Springs, Arkansas, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org